

史記  
一



特  
リ伊8  
1785  
/



毛氏據古本考較

# 十七史

唐書	五代史	宋書	南史	北史	史記
		周書	隋書		前漢書
					後漢書
					三國志
					晉書
					魏書
					北史
					梁書
					陳書
					南史
					北史
					宋書
					南史
					北史
					唐書
					五代史

汲古閣藏版

特  
1735



汲古毛氏新刻十七史序

崇禎庚辰之歲汲古毛氏重鐫

十三經余為其序越十有七年  
歲在丙申十七史告成子晉復  
請余叙客有問於余曰汲古之  
刻先經而後史何也余曰經猶

權也史則衡之有輕重也經猶  
度也史則尺之有短長也古者  
六經之學專門名家各仞師說  
聖賢之微言大義綱舉目張肌  
劈理解權衡尺度鑿鑿乎楷定  
於胷中然後出而從事于史三

才之高下百世之往復分齊其  
輕重短長取裁于吾之權度累  
黍杪忽罄無不冝而後可以明  
體適用為通天地人之大儒有  
人曰我知輕重我知短長問之  
以權度茫如也此無目而諍日

不通經而學史之過也有人曰  
我知權我知度問之以輕重短  
長亦茫如也此執籥而為日不  
通史而執經之過也經不通史  
史不通經誤用其偏詖嵬瑣之  
學術足以殺天下是以古人慎

之經經緯史州次部居如農有  
畔如布有幅此治世之菽粟亦  
救世之藥石也客曰編年紀傳  
史家兩行今何獨取乎紀傳也  
曰左氏之書先經始事後經終  
義經也非史也司馬氏以命世

之才曠代之識高視千載勅立  
史記本紀年表祖春秋之凡例  
八書世家列傳變國史之條目  
班氏父子因之用炎漢一代之  
彙典整齊其文而後史家之體  
要炳如日星考祖禰於史局聖

作明述二氏其庶矣乎竊謂有  
事於史者以紀傳踵馬班則順  
祀也其執夷以春秋躋孔左則  
逆祀也其名汰學者於涑水新  
安奉為丹書獨反唇于河汾之  
元經則目睫之論也今自太史

公書迄於五代次第排續比諸  
冊府羽陵藏室師春汲郡之遺  
文則姑舍焉金匱石室代有掌  
故汗青頭白知所適從後有君  
子可以定百世之史法也客曰  
鈞玄舉要自宋已來亦多家矣

何取乎全史也曰史者天地之  
淵府運數之勾股君臣之元龜  
夷夏之疆索道理之窟宅智諍  
之伏藏人才之藪澤文章之苑  
囿以神州函夏為碁局史為其  
譜以興亡治亂為藥病史為其

方善讀史者如匠石之落材如  
海師之採寶其可以磔肘而量  
畫地而取乎東萊之詳節瓌而  
不要毘陵之左編博而不詳自  
是以下無譏焉代各一史史各  
一局橫豎以羅之參伍以考之

如登臺以臨雲物如上巢車以  
撫戰塵於是乎耳目發皇心胷  
開拓頑者使矜弱者使勇陘者  
使通愚者使慧寡者使博需者  
使決僑者使沉然後乃知夫割  
剝全史方隅自命者未有不望



崖而返向若而嘆者也善弈者  
取全局善讀者取全書此古人  
讀史之法亦古今之學范也客  
曰史自東漢已降靡矣不擇而  
取之者何也曰太史公之才秦  
漢以來一人而已矣世所傳百

家評林上下五百年才人文士  
鈎索字句不能彷彿其形似今  
遽欲伸紙奮筆儼然抗行因以  
蹂踐擘壽諸人謂不足供其丸  
跡此所謂非愚則誣也漢晉邈  
矣詳縟則宋剪裁則南北典要

則五代繩尺隳枯猶可以追配  
古人捨是而遠引焉如夸父之  
逐日不至而立稿焉斯已矣太  
史公稱君子必曰好學深思世  
有好學深思之君子必不敢易  
視太史公之史而以為可學必

不敢薄視太史公以後之史而  
以為不足學三折肱知為良醫  
有能易心孫志不以余言為瑱  
者或亦憐其為折肱之醫而喟  
然三嘆也客憮然避席曰如夫  
子之言是役也功於史學偉矣

毛子有事經史在崇禎時正乙  
夜細旃稽古右文之日崇山示  
夢龍光金書大橫占兆之初神  
者告之矣成均之典冊劫灰已  
然鴻都之石經珠囊重理聖有  
謨訓文不在茲東壁圖書光昱

昱射南斗此非其祥乎余曰唯  
唯遂并叙問荅之辭書之首簡  
強圉作噩之歲九月望日舊史  
官虞山蒙叟錢謙益再拜謹序



十七史序

明太祖命宋濂等撰元史成合  
二十一史刊布天下成祖遷都  
北平詔重刊於是有南北板之  
分其後二百餘年以時修補煌  
煌哉經國之書也但板藏國雍

學者苦不易得是以通經之士  
將舉其名而不可得可慨已虞  
山毛生好古博學家有遺書十  
三經注疏通鑑子史之類窮年  
讐校皆授棗梨復刊十七史成  
問序於予予曰毛生之功深且

遠矣然獨遺於宋遼金元者其  
力有未逮與非也間考歷代史  
書太史公承焚書之後收拾散  
亡變編年爲紀傳勒成一家言  
百世而後奉爲典型班氏漢書  
叙次詳密呂東萊比之左傳朱

文公擬似尚書當與史記竝傳  
其他自范蔚宗以下陳承祚沈  
休文之徒著作日盛文氣日衰  
而銓次失倫闕茸繁猥未有如  
宋史之甚者爲卷六百文成百  
萬歐陽玄揭傒斯輩各以其意

相上下記一事而先後不同傳  
一人而美醜互異且不唯其人  
唯其官不唯其實唯其名彼此  
矛盾何足傳信況乎遼金之錯  
雜元史之叢穢者乎毛生刊史  
而不及宋遼金元意以俟之論

定者耳然卽十七代統論之班  
馬二史繁簡懸殊班密不勝馬  
疎誠篤論也後漢東觀大集羣  
儒弘開史局而著述無主條章  
不立是以伯度譏其不實公瑾  
以爲可焚是非顛倒始於帝魏

寇蜀之文體制溷淆積於駢四  
麗六之習南北分裂語似侏儒  
頭白可期汗青無日若夫新唐  
書詞簡事增世稱良史而議者  
以爲不若舊者之繁唯歐陽公  
五代史筆削是非深有合於春

秋之旨淹雅博貫直接龍門而  
毛生於十七代中一無去取者  
何也曰勢也楊升菴曰史記所  
以獨絕千古非特太史公筆力  
最優亦由上下數千載裒集左  
氏國語等書及漢代司馬東方

鄒枚董賈諸名人大文章以爲  
楨幹使文忠亦得如太史公摅  
摭貫穿其於史記何多讓焉今  
天子銳志稽古方命儒臣纂修明  
史珥筆諸臣極一時通博之選  
盛世鴻文連鑣班馬不知毛生




能贊一辭否也予叨

簡命視學江南兢兢以起衰扶正  
爲已任常疏請頒治平之書首  
重經史旁及性理諸書蓋士君  
子欲爲孝子爲忠臣非經史無  
所興起欲善文章善經濟非經

史無所準繩且經必得史而後  
正其褒貶史必得經而後定其  
指歸二者恒相表裏予志如此  
故於毛生有深取焉

賜進士出身奉政大夫提督淮揚  
蘇松常鎮徐州等處學政江南

提刑按察司僉事前禮部儀制  
司員外郎西山張能鱗撰



重鐫十三經十七史緣起

毛晉艸莽之臣禱昧之質何敢從事於經史二大部今斯剞劂告成  
或有獎我為功臣者或有罪我為僭分者因自述重鐫始末藏之家  
塾示我子孫之能讀我書者天啟丁卯初入南闈設妄想祈一夢少  
選夢登明遠樓中蟠一龍口吐雙珠各隱隱籀文唯頂光中一山字皎  
皎露出仰見兩楹分懸紅牌金書十三經十七史六字遂寤三場復  
夢夢無異竊心異之鍛羽之後此夢時時往來胸中是年余居城南  
市除夕夢歸湖南載德堂柱頭亦懸十三經十七史二牌煥然一  
新紅光出戶元旦拜母備告三夢如一之奇母所然曰夢神不過教  
子讀盡經史耳須亟還湖南舊廬掩關謝客雖窮通有命庶不失為  
醇儒遂舉曆選吉忽憬然大悟曰太歲戊辰崇禎改元龍即辰也珠  
頂露山即崇字也奇驗至此遂誓願自今伊始每歲訂正經史各一

部壽之黎棗及築節方輿同人聞風而起議聯天下大社列十三人任經部十七人任史部更有欲益四人并合二十一部者築舍紛紛卒無定局余唯閉戶自課已耳且幸天假奇緣身無疾病家無外侮密尔自娛十三年如一日迨至庚辰除夕十三部板斬新插架賴鉅公淵匠不惜玄晏流布寰宇不意辛巳壬午兩歲災祲資斧告竭亟棄負郭田三百畝以充之甲申春仲史亦裒然成帙矣豈料兵興寇發危如累卵分貯版籍於湖邊崑畔茆菴艸舍中水火魚鼠十傷二三呼天號地莫可誰何猶幸數年以遑邨居稍寧扶病引雛收其放失補其遺亡一十七部連牀架屋仍復舊觀然校之全經其費倍蓰奚止十年之田而不償也回首丁卯至今三十年卷帙從衡丹黃紛雜夏不知暑冬不知寒晝不知出戶夜不知掩扉迄今頭顱如雪目睛如霧尚矻矻不休者惟懼負吾母讀盡之一言也而今而後可無憾

矣竊笑棘闈假寐猶夫牧人一夢耳何崇禎之改元十三年之安堵十七年之改步如鏡鏡相照不爽秋毫耶至如獎我罪我不過夢中說夢余又豈願人人與我同夢耶

順治丙申年丙申月丙申日丙申時題于七星橋西之汲古閣中

編年重鐫經史目錄隨遇宋版精本攷校畧無詮次

崇禎戊辰開雕周禮四十二卷 漢鄭氏註 唐賈公彥疏

唐太宗御撰晉書一百三十卷

順治戊子補緝脫簡載記三十卷

崇禎己巳開雕孝經九卷 宋邢昺校

唐書二百二十五卷 宋歐陽修等奉勅撰

順治戊子補緝脫簡曾公亮進新唐書表目錄四十二葉

崇禎庚午開雕毛詩二十卷 漢鄭氏箋 唐孔穎達疏

歐陽修五代史七十四卷 徐無黨註

順治己丑補緝脫簡司天考二卷職方考一卷十國世家年譜一卷

陳師錫序一葉

崇禎辛未開雕周易九卷 晉韓康伯註 唐孔穎達疏

姚思廉陳書三十六卷

順治己丑補緝脫簡儒林文學列傳二篇

崇禎壬申開雕尚書二十卷 漢孔氏傳 唐孔穎達疏

令狐德棻後周書五十卷

順治庚寅補緝脫簡異域列傳二篇

崇禎癸酉開雕孟子十四卷 漢趙氏註 宋孫奭疏

姚思廉梁書五十六卷

順治庚寅補緝脫簡孟子註疏題辭解十一葉

梁書皇后太子列傳二篇

崇禎甲戌開雕公羊傳二十八卷 漢何休學

沈約宋書一百卷

順治辛卯補緝脫簡符瑞志三卷百官志二卷

崇禎乙亥開雕穀梁傳二十卷 晉范甯集解 唐楊士勳疏

魏徵等隋書八十五卷

順治辛卯補緝脫簡志三十卷

崇禎丙子開雕儀禮十七卷 漢鄭氏註 唐賈公彥疏

魏收魏書一百三十卷

順治壬辰補緝脫簡志二十卷 原缺天象三四

崇禎丁丑開雕論語二十卷 魏何晏集解 宋邢昺疏

蕭子顯南齊書五十九卷

順治壬辰補緝脫簡輿服志一篇高逸孝異列傳二篇

崇禎戊寅開雕左傳六十卷 晉杜氏注 唐孔穎達疏

李百藥北齊書五十卷

順治癸巳補緝脫簡神武本紀二卷後主幼主本紀一卷

列傳散失八十八葉

崇禎己卯開雕禮記六十三卷 漢鄭氏注 唐孔穎達疏

李延壽北史一百卷

順治癸巳補緝脫簡本紀一十二卷

崇禎庚辰開雕爾雅十一卷 晉郭璞注 宋邢昺疏

李延壽南史八十卷

順治甲午補緝脫簡列傳六十卷至七十卷

崇禎辛巳開雕司馬遷史記一百三十卷 裴駟集解

順治甲午補緝脫簡周本紀一卷禮樂律曆書四卷儒林列傳五六七葉

崇禎壬午開雕班固前漢書一百二十卷 顏師古注

順治乙未補緝脫簡藝文志一卷文三王傳賈誼傳叙傳四卷

崇禎癸未開雕范曄後漢書一百三十卷 唐章懷太子賢注

順治乙未補緝脫簡八志三十卷 劉昭補註

崇禎甲申開雕陳壽三國志六十五篇 裴松之注

順治丙申補緝脫簡蜀志二卷至七卷上三國志表一篇

司馬遷史記凡一百三十篇總一百三十卷

十二本紀一十二卷

十表一十卷

八書八卷


三十世家三十卷

七十列傳七十卷

裴駟注

皇明崇禎十有四年歲在昭陽大荒駱暉月上日琴川毛氏開雕

索隱曰昭陽辛也爾雅曰在辛曰重光在巳曰大荒落今從歷書天官書



史記目錄

十二本紀

十表

八書

三十世家

七十列傳

裴駟集解

史記一

五帝本紀第一

史記二

夏本紀第二

史記三

殷本紀第三

史記四

周本紀第四

史記五

秦本紀第五

史記六

秦始皇本紀第六



史記七	項羽本紀第七
史記八	高祖本紀第八
史記九	呂后本紀第九
史記十	孝文本紀第十
史記十一	孝景本紀第十一
史記十二	孝武本紀第十二
史記十三	三代世表第一
史記十四	十二諸侯年表第二
史記十五	六國表第三
史記十六	秦楚之際月表第四
史記十七	漢興以來諸侯年表第五
史記十八	高祖功臣侯年表第六

史記十九	惠景間侯者年表第七
史記二十	建元以來侯者年表第八
史記二十一	建元以來王子侯者年表第九
史記二十二	漢興以來將相名臣年表第十
史記二十三	禮書第一
史記二十四	樂書第二
史記二十五	律書第三
史記二十六	曆書第四
史記二十七	天官書第五
史記二十八	封禪書第六
史記二十九	河渠書第七
史記三十	平準書第八



史記三十一	吳太伯世家第一
史記三十二	齊太公世家第二
史記三十三	魯周公世家第三
史記三十四	燕召公世家第四
史記三十五	管蔡世家第五
史記三十六	陳杞世家第六
史記三十七	衛康叔世家第七
史記三十八	宋微子世家第八
史記三十九	晉世家第九
史記四十	楚世家第十
史記四十一	越王句踐世家第十一
史記四十二	鄭世家第十二

史記四十三	趙世家第十三
史記四十四	魏世家第十四
史記四十五	韓世家第十五
史記四十六	田敬仲完世家第十六
史記四十七	孔子世家第十七
史記四十八	陳涉世家第十八
史記四十九	外戚世家第十九
史記五十	楚元王世家第二十
史記五十一	荆燕世家第二十一
史記五十二	齊悼惠王世家第二十二
史記五十三	蕭相國世家第二十三
史記五十四	曹參世家第二十四

史記五十五

畱侯世家第二十五

史記五十六

陳丞相世家第二十六

史記五十七

絳侯周勃世家第二十七

史記五十八

梁孝王世家第二十八

史記五十九

五宗世家第二十九

史記六十

三王世家第三十

史記六十一

伯夷列傳第一

史記六十二

管晏列傳第二

史記六十三

老子韓非列傳第三

史記六十四

司馬穰苴列傳第四

史記六十五

孫子吳起列傳第五

史記六十六

伍子胥列傳第六

史記六十七

仲尼弟子列傳第七

史記六十八

商君列傳第八

史記六十九

蘇秦列傳第九

史記七十

張儀列傳第十

史記七十一

樗里子甘茂列傳第十一

史記七十二

穰侯列傳第十二

史記七十三

白起王翦列傳第十三

史記七十四

孟子荀卿列傳第十四

史記七十五

孟嘗君列傳第十五

史記七十六

平原君虞卿列傳第十六

史記七十七

魏公子列傳第十七

史記七十八

春申君列傳第十八

史記七十九

范睢蔡澤列傳第十九

史記八十

樂毅列傳第二十

史記八十一

廉頗藺相如列傳第二十一

史記八十二

田單列傳第二十二

史記八十三

魯仲連鄒陽列傳第二十三

史記八十四

屈原賈生列傳第二十四

史記八十五

呂不韋列傳第二十五

史記八十六

刺客列傳第二十六

史記八十七

李斯列傳第二十七

史記八十八

蒙恬列傳第二十八

史記八十九

張耳陳餘列傳第二十九

史記九十

魏豹彭越列傳第三十

史記九十一

黥布列傳第三十一

史記九十二

淮陰侯列傳第三十二

史記九十三

韓王信盧綰列傳第三十三

史記九十四

田儋列傳第三十四

史記九十五

樊鄴滕灌列傳第三十五

史記九十六

張丞相列傳第三十六

史記九十七

酈生陸賈列傳第三十七

史記九十八

傅靳蒯成列傳第三十八

史記九十九

劉敬叔孫通列傳第三十九

史記一百

季布欒布列傳第四十

史記一百一

袁盎黽錯列傳第四十一

史記一百二

張釋之馮唐列傳四十二

史記一百三 萬石張叔列傳第四十三  
史記一百四 田叔列傳第四十四  
史記一百五 扁鵲倉公列傳第四十五  
史記一百六 吳王濞列傳第四十六  
史記一百七 魏其武安侯列傳第四十七  
史記一百八 韓長孺列傳第四十八  
史記一百九 李將軍列傳第四十九  
史記一百十 匈奴列傳第五十  
史記一百一十一 衛將軍驃騎列傳第五十一  
史記一百一十二 平津侯主父列傳第五十二  
史記一百一十三 南越尉佗列傳第五十三  
史記一百一十四 東越列傳第五十四

史記一百一十五 朝鮮列傳第五十五  
史記一百一十六 西南夷列傳第五十六  
史記一百一十七 司馬相如列傳第五十七  
史記一百一十八 淮南衡山列傳第五十八  
史記一百一十九 循吏列傳第五十九  
史記一百二十 汲鄭列傳第六十  
史記一百二十一 儒林列傳第六十一  
史記一百二十二 酷吏列傳第六十二  
史記一百二十三 大宛列傳第六十三  
史記一百二十四 游俠列傳第六十四  
史記一百二十五 佞幸列傳第六十五  
史記一百二十六 滑稽列傳第六十六

史記一百二十七 日者列傳第六十七  
 史記一百二十八 龜策列傳第六十八  
 史記一百二十九 貨殖列傳第六十九  
 史記一百三十 太史公自序第七十

史記目錄終

西川毛鳳苞氏書印

史記集解序

裴駟

西川毛鳳苞氏書印

班固有言曰司馬遷據左氏國語采世本戰國策述楚漢春秋接其後事訖于天漢其言秦漢詳矣至於采經撫傳分散數家之事甚多疏略或有抵牾亦其所涉獵者廣博貫穿經傳馳騁古今上下數千載間斯已勤矣又其是非頗謬於聖人論大道則先黃老而後六經序游俠則退處士而進姦雄述貨殖則崇勢利而羞賤貧此其所蔽也然自劉向揚雄博極群書皆稱遷有良史之才服其善序事理辯而不華質而不俚其文直其事核不虛美不隱惡故謂之實錄駟以為固之所言世稱其當雖時有紕繆實勒成一

家總其大較信命世之宏才也考按此書文句不同有多有少莫辨其實而世之惑者定彼從此是非相質真偽舛雜故中散大夫

東莞徐廣研核衆本爲作音義具列異同兼述訓解竊有所發明而殊恨省略聊以愚管增演徐氏采經傳百家并先儒之說豫是有益悉皆抄內刪其游辭取其要實或義在可疑則數家兼列漢書音義稱臣瓚者莫知氏姓今直云瓚曰又都無姓名者但云漢書音義時見微意有所裨補譬疇星之繼朝陽飛塵之集華嶽以徐爲本號曰集解未詳則闕弗敢臆說人心不同聞見異辭班氏所謂疏略抵牾者依違不悉辯也愧非胥臣之多聞子產之博物妄言末學蕪穢舊史豈足以關諸蓄德庶賢無所用心而已

史記一 凡是徐氏義稱徐姓名以別之

五帝本紀第一

黃帝者 徐廣曰號有熊 少典之子姓公孫 譙周曰有熊國君少典之子也皇甫謚曰有熊今河南新鄭是也 名曰軒轅

生而神靈弱而能言幼而徇齊 徐廣曰墨子曰年踰十五則聰明心慮無不徇通矣駟案徇疾齊速也言聖德幼而疾速也 長

而敦敏成而聰明軒轅之時神農氏世衰 皇甫謚曰易稱庖犧氏沒神農氏作是爲炎帝班固曰教民耕農故

神農諸侯相侵伐暴虐百姓而神農氏弗能征於是軒轅乃習用干

戈呂征不享諸侯咸來賓從而蚩尤最爲暴莫能伐 應劭曰蚩尤古天

記曰蚩尤庶人之貪者 炎帝欲侵陵諸侯咸歸軒轅軒轅乃修德振兵治五

氣 王肅曰五行之氣 藝五種 藝樹也詩云藝之在菽周禮曰穀宜五種鄭玄曰五種黍稷菽麥稻也 撫萬民度四方 王肅曰度四方

而安 撫之 教熊羆貔貅羆虎以與炎帝戰於阪泉之野 服虔曰阪泉地名皇甫謚曰在上谷 三戰

然後得其志蚩尤作亂不用帝命於是黃帝乃徵師諸侯與蚩尤

戰於涿鹿之野 服虔曰涿鹿山名在涿郡張晏曰涿鹿在上谷 遂禽殺蚩尤 皇覽曰蚩尤冢在東平郡壽張縣闕鄉城中高七丈民常十月

祀之有赤氣出如匹絳帛民名爲蚩尤旗肩髀冢在山陽郡鉅野縣重聚大小與闕家等傳言黃帝與蚩尤戰於涿鹿之野黃帝殺之身體異處故別葬之 而諸侯咸尊

軒轅爲天子代神農氏是爲黃帝天下有不順者黃帝從而征之

平者去之披山通道 徐廣曰披他本亦作破字蓋當爲說者旁其邊之謂也披語誠合今世然古今不必同也 未嘗寧居東

至于海登丸山 徐廣曰丸一作凡駟案地理志曰丸山在郎邪朱虛縣 及岱宗西至于空桐 應劭曰山名韋昭曰在隴

志曰丸山在郎邪朱虛縣

右登雞頭南至于江登熊湘封禪書曰南伐至于召陵登熊山地理志曰湘山在長沙益陽縣北逐葷粥傳曰唐虞以上有山戎

合符釜山而邑于涿鹿之阿遷徙往來無常處以傳曰唐虞以上有山戎

師兵為營衛官名皆以雲命為雲師應劭曰黃帝受命有雲瑞故以雲紀事也春官為青雲夏官為縉雲秋官為白雲冬

官為黑雲中官為黃雲張晏曰黃帝有景雲之應因以名師與官置左右大監監于萬國萬國和而鬼神山川

封禪與為多焉徐廣曰多一作朋獲寶鼎迎日推策晉灼曰策數也迎數之也璿曰日月朔望未來而推之故曰迎日舉

風后力牧常先大鴻鄭玄曰風后黃帝三公也班固曰力牧黃帝相也大鴻見封禪書以治民順天地之紀

幽明之占死生之說徐廣曰一云幽明之數合死生之說存亡之難時播百穀王肅曰草木時是也草木

淳化鳥獸蟲蛾旁羅日月星辰水波徐廣曰一作沃土石金玉勞勤心力耳

目節用水火材物有土德之瑞故號黃帝黃帝二十五子其得姓

者十四人黃帝居軒轅之丘皇甫謐曰受國於有熊居軒轅之丘故因以為名又以為號山海經曰在窮山之際西射之南張晏曰作軒冕

之服故謂之軒轅而娶於西陵之女是為嫫祖徐廣曰祖一作嫫嫫力追反嫫祖為黃帝正妃生二子其後皆有天下其一曰玄暉是為青陽青陽降居江水其

二曰昌意降居若水昌意娶蜀山氏女曰昌僕生高陽高陽有聖德焉黃帝崩皇甫謐曰在位百年而崩年百一十一歲葬橋山皇覽曰黃帝冢在上郡橋山其孫昌意之子高陽立是為帝顓頊也

帝顓頊高陽者皇甫謐曰都帝丘今東郡濮陽是也黃帝之孫而昌意之子也靜淵以有

謀疏通而知事養材以任地載時以象天依鬼神以制義治氣以

教化潔誠以祭祀北至于幽陵南至于交趾西至于流沙地理志曰流沙在張

掖居東至于蟠木海外經曰東海中有山焉名曰度索上有大桃樹屈蟠三千里動靜之物大小之神日月所

照莫不砥屬王肅曰砥平也四遠皆平而來服屬帝顓頊生子曰窮蟬顓頊崩皇甫謐曰在位七十八年年九

十八皇覽曰顓頊冢在東郡濮陽頓丘城門外廣陽里中頓丘者城門名頓丘道而玄暉之孫高辛立是為帝嚳

帝嚳高辛者張晏曰少昊之前天下之號象其德顓頊以來天下之號因其名高陽高辛皆所興之地名顓頊與嚳皆以字為號上古質故黃帝之

曾孫也高辛父曰螭極螭極父曰玄暉玄暉父曰黃帝自玄暉與

螭極皆不得在位至高辛即帝位皇甫謐曰都亳今河南偃師是高辛於顓頊為族子

高辛生而神靈自言其名普施利物不於其身聰以知遠明以察  
微順天之義知民之急仁而威惠而信修身而天下服取地之財  
而節用之撫教萬民而利誨之曆日月而迎送之明鬼神而敬事  
之其色郁郁其德嶷嶷其動也時其服也士帝嚳溉執中而徧天  
下徐廣曰古既字作水旁偏字一作尹日月所照風雨所至莫不從服帝嚳娶陳鋒氏女  
生放勳娶嫫訾氏女生摯帝嚳崩皇甫謚曰在位七十年年百五歲皇覽曰帝嚳家在東都濮陽頓丘城南臺陰野中而  
摯代立帝摯立不善崩而弟放勳立是為帝堯帝堯者謚法曰翼善傳聖曰堯放  
勳徐廣曰號陶唐皇甫謚曰堯以甲申歲生甲辰即帝位甲午徵舜甲寅舜代行天子事辛巳崩年百一十八在位九十八年其仁如天其知如  
神就之如日望之如雲富而不驕貴而不舒黃收純衣徐廣曰純一作絞駟案太古冠冕圖云夏名冕曰收禮記曰野夫黃冠鄭玄曰純衣士之祭服彤車乘白馬能明馴德徐廣曰馴古訓字以親九族九族  
既睦便章百姓徐廣曰下云便程東作然則訓平為便也駟案尚書並作平字孔安國曰百姓百官鄭玄曰百姓羣臣之父子兄弟百姓昭明  
合和萬國乃命羲和孔安國曰重黎之後羲和氏和氏世掌天地之官敬順昊天數法日月星辰敬

授民時分命羲和居郁夷曰暘谷尚書作暘夷孔安國曰東表之地稱暘夷日出於暘谷羲和治東方之官敬道曰  
出便程東作孔安國曰敬道出日平均次序東作之事以務農也日中星鳥以殷中春孔安國曰日中謂春分之日也鳥南  
方朱鳥七宿也殷正也春分之昏鳥星畢見以正仲春之氣節轉以推孟季則可知也其民析鳥獸字微孔安國曰春事既起于壯就功言其民老壯分析也  
乳化曰字尚書微作尾字說文云尾交接也申命羲和居南交孔安國曰夏與春交此治南方之官也便程南譌敬致孔  
國曰譌化也平序分南方化育之事敬行其教以致其功也日永星火以正中夏孔安國曰永長也謂夏至之日火蒼龍之中星舉中則七星見可知也以正中夏之節馬融王肅謂曰長書漏六十刻鄭玄曰五十五刻其民因鳥獸希革孔安國曰因謂老弱因就在田之丁壯以助農也夏時鳥獸毛羽希少改  
易也革申命和仲居西土徐廣曰一無土字以為西者今天水之西縣也日昧谷徐  
改也一作柳谷駟案孔安國曰日入于谷而天下冥故曰昧谷此居治西方之官掌秋天之政也敬道日入便程西成孔安國曰秋西夜  
中星虛以正中秋孔安國曰春言日秋言夜互相備也虛玄武之中星亦言七星皆以秋分日見以正三秋也其民夷易鳥  
獸毛毳孔安國曰夷平也老壯者在田與夏平也毳理也毛更生曰整理申命和叔居北方曰幽都孔安國曰北稱幽都  
謂所便在伏物日短星昴以正中冬孔安國曰日短冬至之日也昴白虎之中星亦以七星並見以正冬節也馬融王肅謂曰短晝  
漏四十刻鄭玄其民燠鳥獸氄毛徐廣曰氄音茸駟案孔安國曰民入室處鳥獸皆生氄毳細毛以自溫也歲三百六  
日四十五刻



十六日以閏月正四時信飭徐廣曰古勅字百官衆功皆興堯曰誰可順

此事放齊曰嗣子丹朱開明孔安國曰放齊臣名堯曰吁頑凶不用孔安國曰吁疑怪之辭

又曰誰可者謹兜曰共工旁聚布功可用孔安國曰謹兜臣名堯曰共

工善言其用僻似恭漫天不可堯又曰嗟四嶽鄭玄曰四嶽四時官主方嶽之事湯湯

洪水滔天浩浩懷山襄陵孔安國曰懷包襄上也下民其憂有能使治者皆曰

鯀可馬融曰鯀臣名禹父堯曰鯀負命毀族不可嶽曰異哉試不可用而已堯

於是聽嶽用鯀九歲功用不成堯曰嗟四嶽朕在位七十載汝能

庸命踐朕位鄭玄曰言汝諸侯之中有能順事用天命者入處我位統治天子之事者乎嶽應曰鄙德忝帝位堯

曰悉舉貴戚及疏遠隱匿者衆皆言於堯曰有矜在民間曰虞舜

以孝烝烝治不至姦孔安國曰不無妻曰矜堯曰然朕聞之其何如嶽曰盲者子父頑母嚚弟傲能和

觀其德於二女舜飭下二女於媯汭孔安國曰舜所居媯水之汭如婦禮堯善之

乃使舜慎和五典鄭玄曰五典五教也蓋試以司徒之職五典能從乃徧入百官百官時

序賓於四門四門穆穆諸侯遠方賓客皆敬馬融曰四門四方之門諸侯羣臣朝者舜賓迎之皆有美德也

堯使舜入山林川澤暴風雷雨舜行不迷堯以為聖召舜曰女謀

事至而言可績三年矣鄭玄曰三年者賓四門之後三年也女登帝位舜讓於德不懌徐廣曰音亦今文尚書正月上日馬融曰上日朔日也舜受終於文祖文祖者堯太祖也

鄭玄曰文祖者五府之大名猶周之明堂於是帝堯老命舜攝行天子之政以觀天命舜乃在

璿璣玉衡以齊七政鄭玄曰璿璣玉衡渾天儀也七政日月五星也遂類於上帝鄭玄曰禮祭上帝于圜丘禋于六

揖五瑞擇吉月日見四嶽諸牧班瑞馬融曰揖敘也五瑞公侯伯子男所執以爲瑞信也堯將禪舜使羣牧敘之使舜親

往班歲二月東巡狩至于岱宗柴馬融曰柴祭也柴祭東嶽者考績柴燎也望秩於

山川遂見東方君長合時月正日鄭玄曰協正四時之月數及日名備有失誤同律度量衡鄭玄曰律音律度丈尺量斗斛衡斤兩也脩五禮馬融曰吉凶賓軍嘉也五玉鄭玄曰即五瑞也執之曰瑞陳列曰玉三帛馬融曰三孤所執也鄭玄曰帛所以

之

之

之

之

之

之

之

之

之

之

之

之

薦王也必三者高陽氏後用赤纒高辛氏後用黑纒其餘諸侯皆用白纒

二生一死為摯馬融曰摯二生羔雁卿大夫所執一死雉士所執如五器

卒乃復馬融曰五器上五玉五禮五月南巡狩八月西巡狩十一月北

巡狩皆如初歸至于祖禰廟用特牛禮五歲一巡狩羣后四朝鄭玄曰巡狩之年諸侯見於方嶽之下其間四年四方諸侯分來朝于京師也

徧告以言明試以功車服以庸肇十有二州決川馬融曰禹平水土置九州舜以冀州之北廣大分置并州燕齊遼遠分燕

以典刑馬融曰言答繇制五常之刑無犯之者但有其象無其人也流宥五刑馬融曰流放宥寬也一曰幼少二曰

鞭作官刑馬融曰為辨治官事者為刑扑作教刑鄭玄曰扑槓楚也金作贖刑馬融曰金黃金

出金贖罪坐鄭玄曰皆裁為人作患害不戒慎者眚裁過赦鄭玄曰眚裁為人有患害者過失雖有害則赦之怙終徐廣曰怙終一作衆賊刑鄭玄曰怙其姦邪終身以為殘賊則

之徐廣曰今文云惟刑之欽哉欽哉惟刑之靜哉徐廣曰今文云惟刑之謹兜進言共工堯曰不

可而試之工師共工果淫辟四嶽舉鯀治鴻水堯以為不可嶽強

請試之試之而無功故百姓不便三苗馬融曰國名也在江淮荊州數為亂

於是舜歸而言於帝請流共工于幽陵馬融曰北裔也以變北狄徐廣曰變一作燮放

謹兜於崇山馬融曰南裔也以變南蠻遷三苗於三危馬融曰西裔也以變西戎殛鯀

於羽山馬融曰殛誅也羽山東裔也以變東夷四皐而天下咸服堯立七十年得舜

二十年而老令舜攝行天子之政薦之於天堯辟位凡二十八年

而崩徐廣曰堯在位凡九十八年駟案皇覽曰堯冢在濟陰城陽劉向曰堯葬濟陰丘隴山呂氏春秋曰堯葬穀林皇甫謐曰穀林即城陽堯都平陽於詩為唐國百姓悲

哀如喪父母三年四方莫舉樂以思堯堯知子丹朱之不肖不足

授天下於是乃權授舜授舜則天下得其利而丹朱病授丹朱則

天下病而丹朱得其利堯曰終不以天下之病而利一人而卒授

舜以天下堯崩三年之喪畢舜讓辟丹朱於南河之南劉熙曰南河九河之最在南者

諸侯朝覲者不之丹朱而之舜獄訟者不之丹朱而之舜謳歌者

不謳歌丹朱而謳歌舜舜曰天也夫而後之中國踐天子位焉劉熙曰天子之位不可曠年於是遂反格于文

是為帝舜虞舜者謚法曰仁聖名曰重祖而當帝位帝王所都為中故曰中國重華父曰瞽叟瞽叟父曰

華徐廣曰皇甫謐曰舜以堯之二十一年甲子生三十一年甲午徵用七十九年壬午即真百歲癸卯崩重華父曰瞽叟瞽叟父曰

橋牛橋牛父曰句望句望父曰敬康敬康父曰窮蟬窮蟬父曰帝  
顓頊顓頊父曰昌意以至舜七世矣自從窮蟬以至帝舜皆微為  
庶人舜父瞽叟盲而舜母死瞽叟更娶妻而生象象傲瞽叟愛後  
妻子常欲殺舜舜避逃及有小過則受罪順事父及後母與弟日  
以篤謹匪有解舜冀州之人也舜耕歷山鄭玄曰雷夏兗  
在河東漁雷澤鄭玄曰雷夏兗  
州澤今屬濟陰陶河濱皇甫謐曰濟陰定陶  
西南陶丘亭是也作什器於壽丘皇甫謐曰在  
魯東門之北就時於負夏鄭玄  
曰負地夏衛舜父瞽叟頑母嚚弟象傲皆欲殺舜舜順適不失子道兄弟  
孝慈欲殺不可得即求常在側舜年二十以孝聞三十而帝堯問  
可用者四嶽咸薦虞舜曰可於是堯乃以二女妻舜以觀其內使  
九男與處以觀其外舜居媯汭內行彌謹堯二女不敢以貴驕事  
舜親戚甚有婦道堯九男皆益篤舜耕歷山歷山之人皆讓畔漁  
雷澤雷澤上人皆讓居陶河濱河濱器皆不苦窳史記音隱曰音游一  
甫反駟謂窳病也

年而所居成聚二年成邑三年成都堯乃賜舜絺衣與琴為築倉  
廩予牛羊瞽叟尚復欲殺之使舜上塗廩瞽叟從下縱火焚廩舜  
乃以兩笠自扞而下去得不死後瞽叟又使舜穿井舜穿井為匿  
空旁出舜既入深瞽叟與象共下土實井舜從匿空出去劉熙曰舜  
以權謀自免亦大聖有神人之助也瞽叟象喜以舜為已死象曰本謀者象象與其父母分於  
是日舜妻堯二女與琴象取之牛羊倉廩予父母象乃止舜宮居  
鼓其琴舜往見之象鄂不懌曰我思舜正鬱陶舜曰然爾其庶矣  
舜復事瞽叟愛弟彌謹於是堯乃試舜五典百官皆治昔高陽氏  
有才子八人名見  
左傳世得其利謂之八愷賈逵曰  
愷和也高辛氏有才子八人名見  
左傳世謂之八元賈逵曰  
元善也此十六族者世濟其美不隕其名至於堯堯未  
能舉舜舉八愷使主后土王肅曰君治九土之  
宜杜預曰后土地也以揆百事莫不時序舉  
八元使布五教于四方父義母慈兄友弟恭子孝內平外成昔帝

鴻氏有不才子賈逵曰帝鴻黃帝也才子其苗裔謹兜也掩義隱賊好行凶慝天下謂之渾

沌少皞氏服虔曰金天氏帝號有不才子毀信惡忠崇飾惡言天下謂之窮奇

也其行窮而好奇服虔曰謂共工氏顓頊氏有不才子不可教訓不知話言天下謂之檇

杌賈逵曰檇杌頑凶無疇匹之貌謂鯀也此三族世憂之至于堯堯未能去縉雲氏賈逵曰縉雲氏黃帝時在縉雲之官也有不才子貪於飲食冒于貨賄天下謂之饕餮天

下惡之比之三凶杜預曰非帝子孫故舜賓于四門乃流四凶族遷于

四裔賈逵曰四裔之地去王城四千里以御魍魎服虔曰魍魎人面獸身四足好惑人山林異氣所生以為人害於是四門辟言毋

凶人也舜入于大麓烈風雷雨不迷堯乃知舜之足授天下堯老

使舜攝行天子政巡狩舜得舉用事二十年而堯使攝政攝政八

年而堯崩三年喪畢讓丹朱天下歸舜而禹皋陶契后稷伯夷夔

龍垂益彭祖自堯時而皆舉用未有分職於是舜乃至於文祖謀

于四嶽辟四門明通四方耳目命十二牧論帝德行厚德遠佞人

則蠻夷率服舜謂四嶽曰有能奮庸馬融曰奮明庸功也美堯之事者使居官

相事皆曰伯禹為司空可美帝功舜曰嗟然禹汝平水土維是勉

哉禹拜稽首讓於稷契與皋陶舜曰然往矣鄭玄曰然其舉得其人女往居此官不聽其所讓也舜

曰棄黎民始飢徐廣曰今文尚書汝后稷播時百穀鄭玄曰時讀曰時舜曰契百

姓不親五品不馴鄭玄曰五品父母兄弟子也王肅曰五品五常也汝為司徒而敬敷五教在寬

舜曰皋陶蠻夷猾夏鄭玄曰猾夏侵亂中國也寇賊姦軌鄭玄曰由內為姦起外為軌汝作士

五刑有服五服三就馬融曰五刑墨劓剕宮大辟三就謂大罪陳諸原野次罪於市朝同族適甸師氏既服五刑當就三處五

流有度五度三居維明能信馬融曰謂在八議君不忍刑宥之以遠五等之差亦有三等之居大罪投四裔次九州之外次中國之外皆曰垂可於是以垂為共工馬融曰謂主百工之官也草木鳥獸皆曰益可於是以

益為朕虞馬融曰虞掌山澤之官名益拜稽首讓于諸臣朱虎熊羆舜曰往矣汝諧

遂以朱虎熊羆為佐舜曰嗟四嶽有能典朕三禮馬融曰三禮天神地祇人鬼之禮也鄭玄曰天

當明其罪能使信服之

曰為司空共舜曰誰能馴予上下馬融曰謂主百工之官也原下謂照

理百工之事

益為朕虞

遂以朱虎熊羆為佐舜曰嗟四嶽有能典朕三禮

馬融曰謂主百工之官也

事地事人皆曰伯夷可舜曰嗟伯夷以汝為秩宗鄭玄曰主夙夜唯敬

直哉維靜潔伯夷讓夔龍舜曰然以夔為典樂教禘子鄭玄曰國子也

言意誦長言馬融曰誦所以長言詩之意也聲依詠律和聲鄭玄曰聲之曲折又依八音能諧

毋相奪倫神人以和鄭玄曰祖考來格羣夔曰於予擊石拊石百獸率

舞鄭玄曰百獸服不氏所養者也率舞言音和也舜曰龍朕畏忌讒說殄偽振驚朕眾徐廣曰一云

女二十有二人馬融曰稷契皋陶皆居官久有成功但述而美之無所復勅禹及垂已下

敬哉惟時相天事三歲一考功三考絀陟遠近眾功咸與分北

各伏得其實伯夷主禮上下咸讓垂主工師百工致功益主虞山

澤辟棄主稷百穀時茂契主司徒百姓親和龍主賓客遠人至十

二牧行而九州莫敢辟違唯禹之功為大披九山通九澤決九河

定九州各以其職來貢不失厥宜方五千里至于荒服南撫交趾

北發西戎析枝渠廋氏羌北山戎發息慎鄭玄曰息慎或謂東長鳥夷

四海之內咸戴帝舜之功於是禹乃興九招之樂致異物鳳皇來

翔天下明德皆自虞帝始舜年二十以孝聞年三十堯舉之年五

十攝行天子事年五十八堯崩年六十一代堯踐帝位皇甫謐曰舜所

踐帝位三十九年南巡狩崩於蒼梧之野葬於江南九

疑是為零陵皇覽曰舜冢在零陵營浦縣其山九谿皆相似故曰九疑傳曰舜葬蒼梧象

舜之踐帝位載天子旗往朝父瞽叟夔夔唯謹徐廣曰如

子道封弟象為諸侯孟子曰封之舜子商均亦不肖皇甫謐曰娥皇無舜乃

豫薦禹於天十七年而崩三年喪畢禹亦乃讓舜子如舜讓堯子

諸侯歸之然後禹踐天子位堯子丹朱舜子商均皆有疆土謙周曰

以唐封

事之禮也

孔安國曰稱

言聲相近

馬融曰正直

而色溫和

馬融曰寬大而

謹敬戰栗也

鄭玄曰聲之曲折又依

長言聲中律乃為和也

鄭玄曰祖考來格羣

徐廣曰一云

齊說殄行振

驚眾駟索鄭玄曰所謂色取仁而

行違是驚動我之眾臣使之疑惑

命汝為納言夙夜出入朕命惟信舜曰嗟

也

勅命

也

鄭玄曰所竄三苗為西裔諸

侯者猶為惡乃復分析流之

此二十二入咸成厥功皋陶為大理平民

也

言平陽或言潘

潘今上谷也

皇覽曰舜冢在零陵營浦縣其山九谿皆相似故曰九疑傳曰舜葬蒼梧象

為之耕禮記曰舜葬蒼梧二妃不從山海經曰蒼梧山帝舜葬于陽丹朱葬

于陰皇甫謐曰或

堯之子以虞封舜之子以奉先祀服其服禮樂如之以客見天子天子弗臣示不

敢專也自黃帝至舜禹皆同姓而異其國號以章明德徐廣曰外傳曰黃帝二十五子

其得姓者十四人虞翻云以德為氏姓又虞說以凡有二十五人其二人同姓姬又十一人為十一姓酉祁已勝歲任荀釐姑嬛衣是也餘十二姓德薄不紀錄故黃帝為

有熊帝顓頊為高陽帝嚳為高辛帝堯為陶唐韋昭曰陶唐皆國名猶湯稱殷商矣張晏曰堯為唐

侯國於中山唐縣是也帝舜為有虞皇甫謐曰舜嬪于虞因為氏今河東大陽西山上虞城是也帝禹為夏后而別氏姓

姒氏契為商姓子氏棄為周姓姬氏鄭玄曰駁許慎五經異義曰春秋左傳無駁卒羽父請謚與族公問族於眾仲眾仲

對曰天子建德因生以賜姓昨之土而命之氏諸侯以字為氏因為族官有世功則有官族邑亦如之公命以字為展氏以此言之天子賜姓命氏諸侯命族族者氏之別名也姓者所以統繫

百世使不別也氏者所以別子孫之所出故世本之篇言姓則在上言氏則在下也太史公曰學者多稱五帝尚矣然尚

書獨載堯以來而百家言黃帝其文不雅馴薦紳先生難言之徐廣

曰薦紳即搢紳也古字假借孔子所傳宰子問五帝德及帝繫姓儒者或不傳余嘗

西至空峒北過涿鹿東漸於海南浮江淮矣至長老皆各往往稱

黃帝堯舜之處風教固殊焉總之不離古文者近是予觀春秋國

語其發明五帝德帝繫姓章矣顧弟弗深考徐廣曰弟但也史記漢書見此者非一又左思蜀都賦曰弟如

真池而不詳者多以為字誤學者安可不博觀乎其所表見皆不虛書缺有間矣其軼乃時時見

於他說非好學深思心知其意固難為淺見寡聞道也余并論次

擇其言尤雅者故著為本紀書首

史記二

夏本紀第二

夏本紀第二

夏禹

諡法曰受禪成功曰禹

名曰文命禹之父曰鯀鯀之父曰帝顓頊顓頊之父

曰昌意昌意之父曰黃帝禹者黃帝之玄孫而帝顓頊之孫也禹之曾大父昌意及父鯀皆不得在帝位為人臣當帝堯之時鴻水滔天浩浩懷山襄陵下民其憂堯求能治水者羣臣四嶽皆曰鯀可堯曰鯀為人負命毀族不可四嶽曰等之未有賢於鯀者願帝試之於是堯聽四嶽用鯀治水九年而水不息功用不成於是帝堯乃求人更得舜舜登用攝行天子之政巡狩行視鯀之治水無狀乃殛鯀於羽山以死天下皆以舜之誅為是於是舜舉鯀子禹而使續鯀之業堯崩帝舜問四嶽曰有能成美堯之事者使居官皆曰伯禹為司空可成美堯之功舜曰嗟然命禹女平水土維是

勉之禹拜稽首讓於契后稷皋陶舜曰女其往視爾事矣禹為人

敏給克勤其德不違其仁可親其言可信聲為律身為度王肅曰以身為度稱

以出徐廣曰一作士壹壹穆穆為綱為紀禹乃遂與益后稷奉帝命命諸侯

百姓興人徒以傅土尚書傳作敷馬融曰數分也行山表木定高山大川馬融曰定其差秩祀禮所視也

十三年過家門不敢入薄衣食致孝于鬼神馬融曰祭祀豐絮卑宮室致費

於溝澮包氏曰方里為井井間有溝溝廣深四尺十里為成間有減減廣深八尺陸行乘車水行乘船泥行乘

橇徐廣曰他書或作范駟案孟康曰橇形如箕擿行泥上如淳曰橇音茅橇之絕謂以板置其泥上以通行路也山行乘橇徐廣曰橇一作橋音丘遙反駟案如

溲曰橇車謂以鐵如錐頭長半寸施之履下以上山不蹉跌也又音紀錄反

左準繩右規矩王肅曰左右言常用也載四時王肅曰不違四時之宜也以開九州通九道陂九澤度九山令益子眾庶稻可種卑

溼命后稷子眾庶難得之食食少調有餘相給以均諸侯禹乃行相地宜所有以貢及山川之便利禹行自冀州始冀州既載孔安國曰堯所

都也先施貢賦役載於書也鄭玄曰兩河間曰冀州

壺口治梁及岐鄭玄曰地理志壺口山在河東北屈縣之東南梁山在左馮翊夏陽岐山在右扶風美陽既修太原

至於嶽陽孔安國曰太原今為郡名太原在左馮翊夏陽岐山在右扶風美陽至於衡漳

其土白壤孔安國曰土無塊曰壤賦上上錯孔安國曰上上第一錯也雜也雜出第二之賦田中中孔安國曰九州之中為

常衛既從大陸既為鄭玄曰地理志恒水出恒山衛水在靈壽大陸澤在鉅鹿鳥夷皮服鄭玄曰鳥夷東北之

夾右碣石孔安國曰碣石海畔之山也入于海徐廣曰海一作河濟河維沅州鄭玄曰

九河既道馬融曰九河名徒駭太史馬頰覆釜胡蘇簡絮鈞盤鬲津雷夏既澤雍沮會同鄭玄曰

桑土既蠶於是民得下丘居士孔安國曰大水去民下丘居平土就

其土黑墳孔安國曰色黑而墳起草絲木條孔安國曰絲茂條長也田中下孔安國曰第六賦貞作十

有三年乃同鄭玄曰貞正也治此州正作不休十三年乃有賦與八州同言功難也其賦下下其貢漆絲其筐織文

浮於濟漯通於河鄭玄曰地理志云漯水出東郡東武陽海岱維青州

嶧夷既略淮淄既道馬融曰嶧夷地名用功少曰略鄭玄曰地理志淮水出琅邪淄水出泰山萊蕪縣原山其

土白墳海濱廣瀉徐廣曰作澤又作斥厥田斥鹵鄭玄曰斥謂地鹹鹵田上下賦中上孔安國曰田第

至岱東嶽曰岱山

孔安國曰地宜漆林又宜蠶織文錦綺之屬盛之筐篚而貢焉

鄭玄曰東自海西至岱東嶽曰岱山



三賦

厥貢鹽絺海物維錯孔安國曰絺細葛錯雜非一種鄭玄曰海物海魚也魚種類尤雜岱畎絲枲鉛松怪

石孔安國曰畎谷也怪異好石似玉者岱山之谷出此五物皆貢之萊夷為牧孔安國曰萊夷地名可以牧放其篚會絲孔安國曰會桑蠶絲

浮於汶通於濟鄭玄曰地理志汶水出泰山蓋縣蒙羽二山萊蕪縣原山西南入濟海岱及淮惟徐州孔安國曰東至海北

淮沂其治蒙羽其藝鄭玄曰地理志沂水出泰山蓋縣蒙羽二山名孔安國曰二水已治二山可以種藝大野既都

東原底平鄭玄曰東原地名今東平郡即東原其土赤埴墳徐廣曰埴黏土也

草木漸包孔安國曰漸長進包叢生也其田上中賦中中孔安國曰田第二賦第五貢維土五色鄭玄曰土五色

羽畎夏狄孔安國曰夏狄狄雉名也羽中旌旄羽山之谷有之嶧陽孤桐孔安國曰嶧山之陽特生桐

泗濱浮磬孔安國曰泗水涯水中見石可以為磬鄭玄曰泗水出濟陰乘氏也淮夷蠙珠泉魚孔安國曰淮夷二水名出蠙珠及美

其篚玄纁縞鄭玄曰縞細也祭服之材尚細浮于淮泗通于河淮海維揚

州孔安國曰北據淮南距海彭蠡既都陽鳥所居鄭玄曰地理志彭蠡澤在豫章彭澤西孔安國曰隨陽之鳥鴻雁之屬冬月居此澤也三

江既入震澤致定孔安國曰震澤吳南太湖名言三江已入致定為震澤竹箭既布孔安國曰水去布生其草惟夭

其木惟喬少長曰夭喬高也其土塗泥馬融曰漸加也田下下賦下上上雜孔安國曰田第九賦第七雜出

貢金三品孔安國曰金銀銅瑶琨竹箭孔安國曰瑶琨皆美玉也齒草羽毛孔安國曰象齒犀牛皮

鳥夷卉服孔安國曰南海鳥夷草服葛越其篚織貝孔安國曰織細縞也貝水物也鄭玄曰貝

其包橘柚錫貢孔安國曰小曰橘大曰柚錫命乃貢言不常也鄭玄曰有錫則貢之或時乏則不貢錫所以柔金也均江海通

淮泗鄭玄曰均讀曰洽洽順水行也荆及衡陽維荊州孔安國曰北據荆山南及衡山之陽江漢朝宗于海孔安

九江甚中孔安國曰江于此州界分為九道甚得地勢之中沔

其土塗泥田下中賦上下孔安國曰田第八賦第三貢羽旄齒草金三品

柝鄭玄曰四木名孔安國曰柝柝也柏葉松身曰柝礪砥砮丹孔安國曰砥細於礪皆磨石也砮石中矢鏃丹朱類也維箇路桔

三國致貢其名馬融曰言箇露柝三國所致貢其名善也包

匭菁茅鄭玄曰匭纏結也菁茅茅有毛刺者給宗廟縮酒重之故包裹又纏結也其篚玄纁璣組孔安國曰此州樂玄纁

九江入賜大龜孔安國曰尺二寸曰大龜出於九江水中龜不常用賜命而納之浮於江沔淠於漢踰

于雒至於南河荆河惟豫州孔安國曰西南至荆山北距河水伊雒瀍澗既入於河孔安

諸本如是

雲土夢為治

伊出陸渾山浴出上洛山淵出龍池孔安國曰榮澤名榮播既都波水已成過都道荷澤被明都孔安國曰榮澤名

山瀝出河南北山四水合流而入河國曰荷澤在胡陵明都澤名其土壤下土墳墟孔安國曰墟疏也馬融曰豫州地有三等下者墳墟也田中上

賦雜上中孔安國曰田第四賦第二又雜出第一貢漆絲絺紵其筐織絮孔安國曰細綿也錫貢磬錯孔安國曰磬錯

國曰治玉石曰浮於雒達於河華陽黑水惟梁州孔安國曰東據華山之南西距黑水汶嶧既

錯治磬錯也鄭玄曰地理志岷山在蜀郡煎氏道嶧冢山在漢陽西沱泆既道孔安國曰沱潛發源此州入荆州蔡蒙旅平孔安國曰蔡蒙

旅平言治功畢也鄭玄曰地理志蔡蒙在漢嘉縣和夷底績馬融曰和夷地名也其土青驪孔安國曰色青黑也田下上賦下中

三錯孔安國曰田第七賦第八雜出第七第九三等貢瓊鐵銀鏤罍磬孔安國曰瓊玉名鄭玄曰黃金之熊美者謂之鏤鏤剛鐵可以刻鏤也

熊狐狸織皮孔安國曰貢四獸之皮也織皮今劉也西傾因桓是來馬融曰治西傾山因桓水是來言無餘道也鄭玄曰地理志西傾山

在隴西臨洮浮于潛踰于沔孔安國曰漢上水為沔鄭玄曰或謂漢為沔入于渭亂于河孔安國曰正絕流曰亂黑水

西河惟雍州孔安國曰西距黑水東據河龍門之河在冀州西弱水既西孔安國曰導之西流至于合黎鄭玄曰眾水皆東此獨西流也涇

屬渭汭孔安國曰屬遠也水北曰汭言治涇水入於渭也鄭玄曰地理志涇水出安定涇陽漆沮既從音豐水所同孔安國曰日漆沮之水已從入渭澧

荆歧已旅孔安國曰荆在歧東非荆州之荆也終南敦物至于鳥鼠孔安國曰二山名言水所同于渭也

相望也鄭玄曰地理志終南敦物皆在右扶風武功也原隰底績至于都野鄭玄曰地理志都野在武威名曰休屠澤三危既度孔安國曰田第一賦第六人功

苗大序孔安國曰西裔之山已可居三苗之族大有次序禹之功也其土黃壤田上上賦中下孔安國曰田第一賦第六人功

少貢瓊琳琅玕孔安國曰瓊琳皆玉名琅玕石名而似珠者浮于積石至于龍門西河孔安國曰積石山在金城西南河所經也龍門山在河東之西界

會于渭汭織皮昆侖析支渠搜西戎卽序孔安國曰織皮毛布此四國在荒服之外流沙之內羌髡之屬皆就次序之美禹之功及戎狄也道九山汧及歧鄭玄曰地理志汧在右扶風也至于荆山踰

于河壺口雷首至于太嶽孔安國曰三山在冀州太嶽在上黨西也砥柱析城至于王屋孔安國曰

國曰此三山在冀州之南河之北太行常山至于碣石入于海孔安國曰此二山連延東北接碣石而入于滄海西傾

朱圉鳥鼠鄭玄曰地理志曰朱圉在漢陽南孔安國曰鳥鼠山渭水所出在隴西之西至于太華熊耳外方桐柏至

于負尾鄭玄曰地理志太華山在弘農華陰南熊耳在盧氏東外方在潁川嵩高山桐柏山在南陽平氏東南陪尾在江夏安陸東北若橫尾者道嶧冢至

于荆山鄭玄曰地理志荆山在南郡臨沮內方至于大別鄭玄曰地理志內方在竟陵各立章山大別在廬江安豐縣汶山之

陽至于衡山過九江至于敷淺原徐廣曰淺一作減駟案國語曰敷淺原一名博陽山在豫章道九川弱

水至於合黎鄭玄曰地理志弱水出張掖孔安國曰合黎水名在流沙東餘波入于流沙孔安國曰弱水餘波西溢入流沙鄭玄曰

史記二

地理志流沙居延西北名居延澤地記曰弱水西流入合黎山道黑水至于三危入于腹餘波入于流沙通于南海馬融王肅皆云合黎流沙是地名

南海鄭玄曰地理志益州滇池有黑水祠而不記此山水所在地記曰三危道河積石至山在鳥鼠之西南孔安國曰黑水自北而南經三危過梁州入南海也

于龍門南至華陰孔安國曰至華陰山北而東行東至砥柱孔安國曰砥柱山名河水分流包山而過山見水中若柱然也在西虢之界又

東至于盟津孔安國曰在洛北東過維汭至于大邳孔安國曰洛汭洛入河處山再成曰邳北過降

水至于大陸鄭玄曰地理志降水在信都南孔安國曰大陸澤名北播為九河同為逆河入于海鄭玄曰下尾合名曰逆又東為

蒼浪之水孔安國曰別流也在荊州過三澨入于大別孔安國曰三澨水名鄭玄曰武都為漢至江夏謂之夏水又東為

匯澤為彭蠡孔安國曰匯回也水東迴為蠡彭大澤東為北江入于海孔安國曰自彭蠡江分為三道入震澤遂為北江而

入汶山道江東別為沱又東至於醴孔安國曰馬融王肅皆以醴為水名鄭玄曰醴陵名也大阜曰陵長沙有醴陵縣東為中

過九江至于東陵孔安國曰東陵地名東迤北會于匯孔安國曰迤溢也東溢分流都共北會彭蠡

江入于海孔安國曰有北有中可知也道沅水東為濟入于河孔安國曰陶丘丘再成者也鄭玄曰屋山東至河內武德入河沅為榮孔安國曰濟在溫西北榮澤在敖倉東南東出陶丘北

東至于荷孔安國曰荷澤之水又東北會于汶又北東入于海道淮自桐柏東

會于泗沂東入于海孔安國曰與沂泗二水合入海也道渭自鳥鼠同穴孔安國曰鳥鼠共為雄雌同穴處此鼠遂名曰鳥鼠渭水出焉東會于澧又東北至於涇東過漆沮入于河孔安國曰漆沮二水名亦曰洛水出焉

道雒自熊耳孔安國曰在宜陽之西東北會于澗瀍孔安國曰會於河南城南又東會于伊孔安國曰伊水出焉九山

東北入于河孔安國曰合于鞏之東也於是九州攸同四輿既居孔安國曰四方之邑已可居也九山

棊旅孔安國曰九州名山已槎水通道而旅祭也九川滌原孔安國曰九州之川已滌除無壅塞也九澤既陂孔安國曰九州之澤皆已

四海會同六府甚修孔安國曰六府金木水火土穀眾土交正致慎財賦鄭玄曰眾土美惡及

咸則三壤成賦鄭玄曰三壤上中下各三等也中國賜土姓祗

台德先不距朕行鄭玄曰中即九州也天子建其國諸侯祚之土賜之姓命之氏其敬悅天子之德既先又不距違我天子政教所行今天子

之國以外五百里甸服孔安國曰為天子之服治田去王城面五百里內百里賦納總孔安國曰甸內近王城者禾稌

二百里納銍孔安國曰銍鉞刈謂禾穗三百里納秸服孔安國曰秸稾也服稾役四百里粟五

百里采孔安國曰所納精者少麤者多甸服外五百里侯服孔安國曰侯侯也斥侯而服事也百里采馬融曰采事也

曰總供食國之馬也

曰總供食國之馬也

曰總供食國之馬也

曰總供食國之馬也

曰總供食國之馬也

曰總供食國之馬也

曰總供食國之馬也

曰總供食國之馬也

曰總供食國之馬也

曰總供食國之馬也

曰總供食國之馬也

曰總供食國之馬也

各受王事者 **二百里任國** 孔安國曰任王事者 **三百里諸侯** 孔安國曰三百里同為王者斥侯故合三為一名 **侯服外五**

**百里綏服** 孔安國曰綏安也服王者政教 **三百里揆文教** 孔安國曰揆度也度王者文教而行之三百里皆同 **二百里奮**

**武衛** 孔安國曰文教之外二百里奮武衛天子所以安之 **綏服外五百里要服** 孔安國曰要束以文教也 **三百里夷** 孔安國曰守平常之教事王者而已

**二百里蔡** 馬融曰蔡法也受治三百里蠻 馬融曰蠻慢也禮簡 **要服外五百里荒服** 馬融曰荒忽因其故俗而

**流沙朔南暨** 鄭玄曰朔北方也 **聲教訖于四海** 於是帝錫禹玄圭以告成功

**于天下** 於是太平治 **皋陶作士** 以理民 **帝舜朝禹伯夷皋陶**

**相與語** 帝前皋陶述其謀曰信其道德謀明輔和 **禹曰然** 如何皋陶曰於慎其身修思長

**陶曰於慎其身修思長** 孔安國曰慎修其身思為長久之道 **敦序九族** 眾明高翼近可遠

**在已** 鄭玄曰次序九族而親之以眾明作羽翬之臣此政由近可以及遠也 **禹拜美言曰然** 皋陶曰於在知人在

**安民禹曰吁** 皆若是惟帝其難之 孔安國曰言帝堯亦以為難 **知人則智能官人能**

**安民則惠黎民懷之** 能知能惠何憂乎驩兜何遷乎有苗何畏乎

**巧言善色佞人** 鄭玄曰禹為父隱故言不及鯀 **皋陶曰然於亦行有九德亦言其有德**

**乃言曰始事事** 孔安國曰言其人有德必言其所行事因事以為驗 **寬而栗** 孔安國曰性寬弘而能莊栗 **柔而立** 孔安國曰和柔

**愿而共** 孔安國曰愿而恭敬 **治而敬** 擾而毅 徐廣曰擾一作柔 **直而溫** 簡而

**廉剛而實** 彊而義 **章其有常吉哉** 孔安國曰章明也吉善也 **曰宣三德** 蚤夜翊明有

**家** 孔安國曰三德九德之中有其三也 **曰嚴振敬六德** 亮采有國 孔安國曰嚴敬也

治政事可為諸侯也 **翁受普施九德** 咸事俊又在官 孔安國曰翁合也能合受三六

馬融曰亮信采事也 **百吏肅謹** 毋教邪淫奇謀非其人居其官是

德之人皆用事謂天子也如此 **謂亂天事** 天討有孥五刑五用哉 孔安國曰言用五刑必當

**言致可績行** 皋陶曰余未有知思贊道哉 **帝舜謂禹曰汝亦昌言**

**禹拜曰於予何言** 予思曰孳孳 **皋陶難禹曰何謂孳孳** 禹曰鴻水

**滔天浩浩** 懷山襄陵下民皆服於水 **予陸行乘車水行乘舟泥行**

**乘橈山行乘橰** 行山棊木與益子眾庶稻鮮食 孔安國曰鳥獸新殺曰鮮

**以決九川**

**以決九川**

**以決九川**

**以決九川**

**以決九川**

**以決九川**

**以決九川**

**以決九川**

**以決九川**

致四海浚畎澮鄭玄曰畎澮田間溝也致之川與稷予眾庶難得之食食少調有

餘補不足徙居眾民乃定萬國為治皋陶曰然此而美也禹曰於

帝慎乃在位安爾止鄭玄曰安汝之所止無妄動動則擾民輔德天下大應清意以昭待

上帝命天其重命用休鄭玄曰天將重命汝以美應謂符瑞也帝曰吁臣哉臣哉臣作朕

股肱耳目予欲左右有民女輔之馬融曰我欲左右助民汝當翼成我也余欲觀古人之象

日月星辰作文繡服色女明之余欲聞六律五聲八音來治滑以

出入五言女聽尚書滑字作留音忽鄭玄曰留者臣見君所秉書思對命者也君亦有焉以出內政教於五官予即辟女匡拂予

女無面諛退而謗予敬四輔臣尚書大傳曰古者天子必有四隣前曰疑後曰丞左曰輔右曰弼諸眾讒嬖

臣君徐廣曰一作吾德誠施皆清矣禹曰然帝即不時布同善惡則毋功孔

國曰帝用臣不是則賢愚並位優劣共流故也帝曰毋若丹朱敖維慢游是好毋水舟行朋淫于

家鄭玄曰朋淫淫門內用絕其世予不能順是禹曰予辛壬娶塗山癸甲生啓

孔安國曰塗山國名辛日娶妻至于甲四日復往治水予不子以故能成水土功輔成五服至于五千

里州十二師外薄四海咸建五長孔安國曰薄迫言至海也諸侯五國立賢者一人為方伯謂之五長以相統治各道

有功苗頑不即功孔安國曰三苗頑凶不得就官善惡分別帝其念哉帝曰道吾德乃女功

序之也皋陶於是敬禹之德令民皆則禹不如言刑從之舜德大

明於是夔行樂祖考至羣后相讓鳥獸翔舞簫韶九成鳳皇來儀

孔安國曰蕭韶舞樂名備樂九奏而致鳳皇也百獸率舞百官信諧帝用此作歌曰陟天之命維

時維幾孔安國曰奉正天命以臨民惟在順時惟在慎微乃歌曰肱股善哉元首起哉百工喜哉

孔安國曰肱股之臣喜樂盡忠君之治功乃起百官之業乃廣皋陶拜首稽首揚言曰念哉鄭玄曰使羣臣念帝之戒率為興

事慎乃憲敬哉孔安國曰率臣下為起治之事當慎汝法度敬其職乃更為歌曰元首明哉股肱良

哉庶事康哉舜又歌曰元首叢脞哉股肱惰哉萬事墮哉孔安國曰叢脞細碎

帝拜曰然往欽哉於是天下皆宗禹之明度數聲樂

為山川神主帝舜薦禹於天為嗣十七年劉熙曰若此則舜格于文祖三年

而帝舜崩三年喪畢禹舜辟舜之子商均於陽城劉熙曰今潁川陽城

無大略也君如此則臣懈情萬事墮廢也徐廣曰舜本記云禹乃興九韶之樂年之後攝禹使得祭祀與

是天下諸侯皆去商均而朝禹禹於是遂即天子位皇甫謐曰都平陽或在安邑或在晉陽

南面朝天下國號曰夏后姓姒氏禮緯曰祖以吞意苾生帝禹立而舉皋陶薦之

且授政焉而皋陶卒封皋陶之後於英六徐廣曰史記皆作英字而以英布是此苗裔或在許

皇覽曰皋陶冢在廬江六縣

謚曰年百歲也

陽孟子曰陽字一作陰劉熙曰崇高之北禹子啓賢天下屬意焉及禹崩雖授益益之佐

禹曰淺天下未洽故諸侯皆去益而朝啓曰吾君帝禹之子也於

是啓遂即天子之位是爲夏后帝啓夏后帝啓禹之子其母塗山

氏之女也有扈氏不服地理志曰扶風鄠縣是扈國啓伐之大戰於甘馬融曰甘有扈氏南郊地名將戰

作甘誓乃召六卿申之孔安國曰天子六卿其將皆命卿也啓曰嗟六事之人孔安國曰各有軍事故曰六事子誓

告女有扈氏威侮五行怠棄三正鄭玄曰五行四時盛德所行之政也威侮暴逆之三正天地人之正道天用勦

絕其命孔安國曰勦絕也今予維共行天之罰孔安國曰共奉也左不攻于左右不攻

于右女不共命鄭玄曰左車右車御非其馬之政女不共命孔安國曰御以正馬爲政也三者有失皆不奉

我命用命賞于祖孔安國曰天子親征必載遷廟之祖主行有功即賞祖主前示不專也不用命僇于社孔安國曰謂之社事奔北則僇之社主前社主陰陰主殺也遂滅有扈氏天下

咸朝夏后帝啓崩徐廣曰皇甫謐曰夏啓元年甲辰十年癸丑崩子帝太康立帝太康失國

孔安國曰盤于游田不恤民事爲羿所逐不得及國于洛水之北怨其不反故作歌太康崩弟中康立是爲帝中康帝中康時羲和酒淫

廢時亂曰孔安國曰羲氏和氏掌天地四時之官太康之後沈湎於酒廢天時亂甲乙也胤往征之作胤征孔安國曰胤國征之鄭玄曰胤臣名中康崩子帝相立帝相崩子帝少康立帝少康崩子

帝宁立帝宁崩子帝槐立帝槐崩子帝芒立帝芒崩子帝

泄立帝泄崩子帝不降立帝不降崩弟帝局立帝局崩子

帝廩立帝廩崩立帝不降之子孔甲是爲帝孔甲帝孔甲立

好方鬼神事淫亂夏后氏德衰諸侯畔之天降龍二有雌雄孔甲

不能食未得豢龍氏

賈逵曰豢養也穀食曰豢

陶唐既衰其后有劉累

服虔曰后劉累之為諸侯者夏后賜

之姓

學擾龍應劭曰擾音柔擾馴也龍能順養得其嗜慾

于豢龍氏以事孔甲孔甲賜之姓曰御龍

氏

服虔曰御亦養

受豕韋之後

徐廣曰受一作更駟案賈逵曰劉累之後至商不絕以代豕韋之後祝融之後封於豕韋殷武丁滅之以劉累之後代之龍一

雌死以食夏后夏后使求懼而遷去

賈逵曰夏后既饗而又使求致龍劉累不能得而懼也傳曰遷于魯縣孔

甲崩子帝皋立

帝皋崩

左傳曰皋墓在散南陵

子帝發立

帝發崩子帝履癸

立是為桀

帝桀之時

謚法賊人多殺曰桀

自孔甲以來而諸侯多畔夏桀不務

德而武傷百姓百姓弗堪廼召湯而囚之夏臺已而釋之湯修德

諸侯皆歸湯湯遂率兵以伐夏桀桀走鳴條

孔安國曰地在安邑之西鄭玄曰南夷地名遂放

而死

徐廣曰從禹至桀十七君十四世駟案汲冢紀年曰有王與無王用歲四百七十一年矣

桀謂人曰吾悔不遂殺湯於

夏臺使至此湯乃踐天子位代夏朝天下湯封夏之後至周封於

杞也

太史公曰禹為姒姓其後分封用國為姓故有夏后氏有扈氏有

男氏斟尋氏

徐廣曰一云斟氏尋氏

彤城氏褒氏費氏杞氏繒氏辛氏冥氏斟氏

戈氏孔子正夏時學者多傳夏小正云

禮運稱孔子曰我欲觀夏道是故之杞而不足徵也吾得夏時焉鄭玄曰得夏

四時之書其存者有小正

自虞夏時貢賦備矣或言禹會諸侯江南計功而崩因葬

焉命曰會稽會稽者會計也

皇覽曰禹冢在山陰縣會稽山上會稽山本名苗山在縣南去縣七里越傳曰禹到大越上苗山大會計爵

有德封有功因而更名苗山曰會稽因病死葬葦棺穿壙深二尺上無瀉泄下無邸水壇高三尺

土階三等周方一畝呂氏春秋曰禹葬會稽不煩人徒墨子曰禹葬會稽衣裘三領桐棺三寸地

理志云山上有禹井禹祠相傳以為下有羣鳥耘田也

史記二

禹山世鳳尊  
氏書商周

史記三

殷本紀第三

燕川世鳳尊  
氏書商周

殷契母曰簡狄有娥氏之女淮南子曰有娥在不周之北為帝嚳次妃三人行浴見

玄鳥墮其卵簡狄取吞之因孕生契契長而佐禹治水有功帝舜

乃命契曰百姓不親五品不訓汝為司徒而敬敷五教五教在寬

封於商鄭玄曰商國在太華之陽皇甫謐曰今上洛商是也賜姓子氏禮緯曰祖以玄鳥生子也契興於唐虞大禹之

際功業著於百姓百姓以平契卒子昭明立昭明卒子相土立

宋忠曰相土就契封於商春秋左氏傳曰關伯居商丘相土因之相土卒子昌若立昌若卒子曹圉立

曹圉卒子冥立宋忠曰冥為司空勤其官事死於水中殷人郊之冥卒子振立振卒子微

立微卒子報丁立報丁卒子報乙立報乙卒子報丙立

報丙卒子主任立主任卒子主癸立主癸卒子天乙立是為

成湯張晏曰禹湯皆字也二王去唐虞之文從高陽之質故夏殷之王皆以名為號謚法曰除虐去殘曰湯自契至湯八遷孔安國曰



十四世凡皇甫謚曰梁國穀熟湯始居亳為南亳即湯都也從先王居孔安國曰契父帝嚳都亳湯

帝誥湯征諸侯孔安國曰為夏方伯得專征伐葛伯不祀湯始伐之孟子曰湯居亳與葛伯為鄰地理志曰葛今梁國寧

乃進君國子民為善者皆在王官勉哉勉哉湯曰女不能敬命予

大罰殛之無有攸赦作湯征伊尹名阿衡阿衡欲干湯而無由乃

為有莘氏媵臣列女傳曰湯妃有莘氏之女負鼎俎以滋味說湯致於王道或曰伊

尹處士湯使人聘迎之五反然後肯往從湯言素王及九主之事

醜有夏復歸于亳入自北門遇女鳩女房孔安國曰鳩房二人湯之賢臣

也二篇皆所以醜夏而還之意也湯出見野張網四面祝曰自天下四方皆入吾網湯

曰嘻盡之矣乃去其三面祝曰欲左左欲右右不用命乃入吾網

諸侯聞之曰湯德至矣及禽獸當是時夏桀為虐政淫荒而諸侯

昆吾氏為亂湯乃興師率諸侯伊尹從湯湯自把鉞以伐昆吾遂

伐桀湯曰格汝眾庶來女悉聽朕言匪台小子馬融曰台我也敢行舉亂有

夏多罪予維聞女眾言夏氏有罪予畏上帝不敢不正孔安國曰不敢

誅今夏多罪天命殛之今女有眾女曰我君不恤我眾舍我嗇事

而割政孔安國曰奪民農功而為割剝之政女其曰有罪其柰何夏王率止眾力率奪夏

國孔安國曰桀之君臣相率遏止眾力使不得事農相率割剝夏之邑居有眾率怠不和馬融曰眾民相率怠墮不和同曰是日何

時喪予與女皆亡尚書大傳曰桀人之有口猶吾之有民日有亡哉日亡吾亦亡矣夏德若茲今朕必往爾尚

及予一人致天之罰予其大理女尚書理字作賚鄭玄曰賚賜也女毋不信朕不食言

女不從誓言予則帑僂女無有攸赦以告令師作湯誓於是湯曰

吾甚武號曰武王詩云武王載旆有虔秉鉞毛傳曰武王湯也桀敗於有娥之墟桀奔於鳴條

夏師敗績湯遂伐三豎俘厥寶玉孔安國曰三豎國名桀走保之今定陶也俘取也義伯仲伯作

典寶孔安國曰二臣作典寶一篇言國之常寶也湯既勝夏欲遷其社不可孔安國曰欲變置社稷而後世無及句龍者故不可而止

史記三

作夏社孔安國曰言夏社不可遷之義伊尹報徐廣曰二云伊尹報政於是諸侯必服湯乃踐天子位

平定海內湯歸至于泰卷陶徐廣曰一无此陶字孔安國曰地名湯自三變而還中囂作誥孔安國曰仲虺湯左

相奚仲之後既紂夏命孔安國曰細其王命還亳作湯誥維三月王自至於東郊告諸

侯羣后毋不有功於民勤力迺事予乃大罰極女毋予怨曰古禹

臯陶久勞于外其有功乎民民乃有安東為江北為濟西為河南

為淮四瀆已修萬民乃有居后稷降播農殖百穀三公咸有功于

民故后有立徐廣曰一作土昔蚩尤與其大夫作亂百姓帝乃弗予音與有狀

先王言不可不勉曰不道毋之徐廣曰一作政在國女毋我怨以令諸侯伊

尹作咸有一德王肅曰言君臣皆有德咎單作明居馬融曰咎單湯司空也明居民之法也湯乃改正朔易

服色上白朝會以晝湯崩皇覽曰湯冢在濟陰毫縣北東郭去縣三里冢四方各十步高七尺上平處平地漢哀帝建平元年大司空御史

長卿案行水災因行湯冢劉向曰殷湯無葬處皇甫謚曰即位十七年而踐天子位為天子十三年年百歲而崩太子太丁未立而卒於是

廼立太丁之弟外丙是為帝外丙 帝外丙即位三年崩立外丙

之弟中壬是為帝中壬 帝中壬即位四年崩伊尹廼立太丁之

子太甲太甲成湯適長孫也是為帝太甲 帝太甲元年伊尹作

伊訓作肆命作祖后鄭玄曰肆命者陳政教所當為也祖后者言湯之法度也帝太甲既立三年不明

暴虐不遵湯法亂德于是伊尹放之於桐宮孔安國曰湯葬地鄭玄曰地名也有王離宮焉三年

伊尹攝行政當國以朝諸侯帝太甲居桐宮三年悔過自責反善

於是伊尹廼迎帝太甲而授之政帝太甲修德諸侯咸歸殷百姓

以寧伊尹嘉之廼作太甲訓三篇褒帝太甲稱太宗太宗崩子沃

丁立 帝沃丁之時伊尹卒既葬伊尹於亳皇覽曰伊尹冢在濟陰巴氏平利鄉亳近巴氏咎單

遂訓伊尹事作沃丁沃丁崩弟太庚立是為帝太庚 帝太庚崩

子帝小甲立徐廣曰世表云帝小甲太庚弟也帝小甲崩弟維已立是為帝維已殷道

衰諸侯或不至帝維已崩弟太戊立是為帝太戊 帝太戊立伊

陟為相孔安國曰伊陟伊尹之子亳有祥桑穀共生于朝一暮大拱孔安國曰祥妖怪也二木合生不拱之謂鄭玄

曰兩手搯之曰拱

帝太戊懼問伊陟伊陟曰臣聞妖不勝德帝之政其有闕與

帝其修德太戊從之而祥桑枯死而去伊陟贊言于巫咸孔安國曰贊告也巫

咸臣名也巫咸治王家有成馬融曰原臣名也命原作太戊帝太戊贊伊陟于廟言

弗臣伊陟讓作原命以禹湯之道我所修也殷復興諸侯歸之故稱中宗

中宗崩子帝仲丁立帝仲丁遷于傲孔安國曰地名皇甫謐曰或云河南敖倉是河亶甲居相

孔安國曰地名在河北祖乙遷于邢帝仲丁崩弟外壬立是為帝外壬中丁書闕

不具帝外壬崩弟河亶甲立是為帝河亶甲時殷復興

亶甲崩子帝祖乙立帝祖乙立殷復興巫賢任職祖乙崩子帝祖

辛立帝祖辛崩弟沃甲立是為帝沃甲帝沃甲崩立沃甲兄祖辛

之子祖丁是為帝祖丁帝祖丁崩立弟沃甲之子南庚是為帝南

庚帝南庚崩立帝祖丁之子陽甲是為帝陽甲帝陽甲之時殷衰

自中丁以來廢適而更立諸弟子弟子或爭相代立比九世亂於

皆

是諸侯莫朝帝陽甲崩弟盤庚立是為帝盤庚帝盤庚之時殷已

都河北盤庚渡河南復居成湯之故居廼五遷無定處孔安國曰自湯至盤庚凡五遷

都殷民咨胥相怨不欲徙孔安國曰胥相也民不欲徙皆咨嗟憂愁相與怨其上也盤庚乃告諭諸侯

大臣曰昔高后成湯與爾之先祖俱定天下法則可修舍而弗勉

何以成德乃遂涉河南治亳鄭玄曰治於亳之殷地商家自此徙而改號曰殷亳皇甫謐曰今偃師是也行湯之政

然後百姓由寧殷道復興諸侯來朝以其遵成湯之德也帝盤庚

崩弟小辛立是為帝小辛帝小辛立殷復興百姓思盤庚廼作盤

庚三篇帝小辛崩弟小乙立是為帝小乙帝小乙崩子帝武丁立

帝武丁即位思復興殷而未得其佐三年不言政事決定於冢宰

鄭玄曰冢宰天官卿貳王事者以觀國風武丁夜夢得聖人名曰說以夢所見視羣臣

百吏皆非也於是廼使百工營求之野得說於傳險中徐廣曰尸子云傳岩在北海之

州是時說為胥靡築於傳險孔安國曰傅氏之岩在虞虢之界通道所經有澗水壞道常使胥靡刑人築護此道說賢而隱代胥靡築之以

也供食見於武丁武丁曰是也得而與之語果聖人舉以為相殷國大治故遂以傳險姓之號曰傳說帝武丁祭成湯明日有飛雉登鼎耳而响武丁懼祖已曰孔安國曰賢臣名王勿憂先修政事祖已乃訓王曰唯天監下典厥義孔安國曰言天視下民以義為常也降年有永有不永非天民中絕其命民有不若德不聽罪天既附命正厥德孔安國曰不順德言無義也不服罪不改修也天以信命正其德謂其有永有不永乃曰其奈何嗚呼王嗣敬民罔非天繼常祀毋禮于弃道孔安國曰王者主民當敬民事無非天時天時所常祀也祭祀有常不當特豐於近也武丁修政行德天下咸驩殷道復興帝武丁崩子帝祖庚立祖已嘉武丁之以祥雉為德立其廟為高宗遂作高宗彤日及訓孔安國曰祭之明日又祭殷曰彤周日釋帝祖庚崩弟祖甲立是為帝甲帝甲淫亂殷復衰帝甲崩子帝廩辛立帝廩辛崩弟庚丁立是為帝庚丁帝庚丁崩子帝武乙立殷復去亳徙河北帝武乙無道為偶人謂之天神與之博令人為行天神不勝乃僂辱之為革

囊盛血仰而射之命曰射天武乙獵於河渭之濱暴雷武乙震死子帝太丁立帝太丁崩子帝乙立帝乙立殷益衰帝乙長子曰微子啟啟母賤不得嗣少子辛辛母正后辛為嗣帝乙崩子辛立是為帝辛天下為之紂謚法曰殘義損善曰紂帝紂資辨捷疾聞見甚敏材力過人手格猛獸知足以距諫言足以飾非矜人臣以能高天下以聲以為皆出已之下好酒淫樂嬖於婦人愛妲己皇甫謚曰有蘇氏美女妲己之言是從於是使師涓作新淫聲北里之舞靡靡之樂厚賦稅以實鹿臺之錢如淳曰新序曰鹿臺其大三里高千尺攢曰鹿臺臺名今在朝歌城中而盈鉅橋之粟服虔曰鉅橋倉名許慎曰鉅鹿水之大橋也有漕粟益收狗馬奇物充仞宮室益廣沙丘苑臺爾雅曰池遷沙丘也地理志曰在鉅鹿東北七十里多取野獸蜚鳥置其中慢於鬼神大最樂戲於沙丘徐廣曰最一作聚以酒為池縣肉為林使男女僕相逐其間為長夜之飲百姓怨望而諸侯有畔者於是紂乃重刑辟有炮烙之法列女傳曰膏銅柱下如之炭令有罪者以行焉輒墮炭中妲己笑名曰炮烙之刑

西伯昌九侯

徐廣曰一作鬼侯鄴縣有九侯城

鄂侯

徐廣曰一作邗音于野王縣有邗城

為三公九侯有好女

入之紂九侯女不憚淫

徐廣曰一云無不憚淫

紂怒殺之而醢九侯鄂侯爭之疆

辨之疾并脯鄂侯西伯昌聞之竊嘆崇侯虎知之以告紂紂囚西

伯姜里

地理志曰河內湯陰有姜里城西伯所拘處韋昭曰音酉

西伯之臣闕天之徒求美女奇物善

馬獻紂紂乃赦西伯西伯出而獻洛西之地以請除炮烙之刑紂

乃許之賜弓矢斧鉞使得征伐為西伯而用費中為政費中善諛

好利殷人弗親紂又用惡來惡來善毀讒諸侯以此益疏西伯歸

乃陰修德行善諸侯多叛紂而往歸西伯西伯滋大紂由是稍失

權重王子比干諫弗聽商容賢者百姓愛之紂廢之及西伯伐飢

國滅之

徐廣曰飢一作汎又作者

紂之臣祖伊

孔安國曰祖已後賢臣也

聞之而咎周

孔安國曰咎惡也

恐奔告

紂曰天既訖我殷命假人元龜

徐廣曰元一作上

無敢知吉

馬融曰元龜大龜也長尺二寸孔安國曰至人

以人事觀殷大龜以神靈考之皆無知吉者

非先王不相我後人

孔安國曰相助也

維王淫虐用自絕故

天棄我不有安食不虞知天性不迪率典

鄭玄曰王暴虐於民使不得安食逆亂陰陽不度天性傲很明德不

修教法者

今我民罔不欲喪曰天曷不降威大命胡不至今王其柰何紂

曰我生不有命在天乎祖伊反曰紂不可諫矣西伯既卒周武王

之東伐至盟津諸侯叛殷會周者八百諸侯皆曰紂可伐矣武王

曰爾未知天命乃復歸紂愈淫亂不止微子數諫不聽乃與太師

少師謀遂去比干曰為人臣者不得以死爭迺強諫紂怒曰

吾聞聖人心有七竅剖比干觀其心箕子懼乃詳狂為奴紂又囚

之殷之太師少師乃持其祭樂器奔周周武王於是遂率諸侯伐

紂紂亦發兵距之牧野

鄭玄曰牧野紂南郊地名也

甲子曰紂兵敗紂走入登鹿臺

徐廣曰鹿一作廩

衣其寶玉衣赴火而死周武王遂斬紂頭縣之白旗殺妲

己釋箕子之囚封紂比干之墓表商容之間封子武庚祿父以續

殷祀

譙周曰殷凡三十一世六百餘年汲冢紀年曰湯滅夏以至于受二十九王用歲四百九十六年也

令修行盤庚之政殷民大

說於是周武王為天子其後世貶帝號號為王而封殷後為諸侯  
屬周周武王崩武庚與管叔蔡叔作亂成王命周公誅之而立微  
子於宋以續殷後焉  
太史公曰余以頌次契之事自成湯以來采於詩書契為子姓其  
後分封以國為姓有殷氏來氏宋氏空桐氏稚氏北殷氏目夷氏  
孔子曰殷路車為善而色尚白

史記三

終

魏川屯鳳  
氏雷雷甫

史記四

周本紀第四

魏川屯鳳  
氏雷雷甫

周后稷名棄其母有邠氏女曰姜原韓詩章句曰姜姓原字或曰姜原謚號也姜原為帝嚳元  
妃姜原出野見巨人跡心忻然說欲踐之踐之而身動如孕者居  
期而生子以為不祥棄之隘巷馬牛過者皆辟不踐徙置之林中  
適會山林多人遷之而棄渠中水上飛鳥以其翼覆薦之姜原以  
為神遂收養長之初欲棄之因名曰棄棄為兒時忤如巨人之志  
其游戲好種樹麻菽麻菽美及為成人遂好耕農相地之宜宜穀  
者稼穡焉民皆法則之帝堯聞之舉棄為農師天下得其利有功  
帝舜曰棄黎民始飢徐廣曰今文尚書云祖飢故此作始飢祖始也爾后稷播時百穀封棄於邠  
帝舜曰棄黎民始飢徐廣曰今文尚書云祖飢故此作始飢祖始也爾后稷播時百穀封棄於邠  
鄉在扶風號曰后稷別姓姬氏禮緯曰祖以履大跡而生后稷之興在陶唐虞夏之  
際皆有令德后稷卒山海經大荒經曰黑水青水之間有廣都之野后稷葬焉皇甫謐曰冢去中國三萬里也子不窋立不

始

宙末年夏后氏政衰去稷不務韋昭曰夏大康失國廢稷之官不復務農不宙以失其官而  
 犇戎狄之間不宙卒子鞠立鞠卒子公劉立公劉雖在戎狄之間  
 復修后稷之業務耕種行地宜自漆沮渡渭取材用行者有資居  
 者有畜積民賴其慶百姓懷之多徙而保歸焉周道之興自此後  
 故詩人歌樂思其德公劉卒子慶節立國於豳徐廣曰新平漆縣之東北有豳亭慶節  
 卒子皇僕立皇僕卒子羌弗立羌弗卒子毀隃立音隃世本作榆毀隃卒子  
 公非立公非卒子高圉立宋忠曰高圉能率稷者也周人報之高圉立子亞圉立世本云亞  
甫謚云雲亞圉卒子公叔祖類立公叔祖類卒子古公亶父立古公  
 亶父復修后稷公劉之業積德行義國人皆戴之薰育戎狄攻之  
 欲得財物予之已復攻欲得地與民民皆怒欲戰古公曰有民立  
 君將以利之今戎狄所為攻戰以吾地與民民之在我與其在彼  
 何異民欲以我故戰殺人父子而君之予不忍為乃與私屬遂去

豳渡漆沮

徐廣曰水在杜陽岐山杜陽縣在扶風

踰梁山止於歧下

徐廣曰山在扶風美陽西北其南有周原駟案皇甫謚曰邑於周地

故始改

豳人舉國扶老攜弱盡復歸古公於歧下及他旁國聞古公

仁亦多歸之於是古公乃貶戎狄之俗而營築城郭室屋而邑別

居之

徐廣曰分別而為邑落也

作五官有司

禮記曰天子之五官曰司徒司馬司空司士司寇典司五眾鄭玄曰此殷時制

民皆歌樂之

頌其德古公有長子曰太伯次曰虞仲太姜生小子季歷季歷娶

太任列女傳曰太姜有台氏之女太任摯任氏之中女

皆賢婦人生昌有聖瑞古公曰我世當有

興者其在昌乎長子太伯虞仲知古公欲立季歷以傳昌乃二人

亡如荆蠻文身斷髮

應劭曰常在水中故斷其髮文其身以象龍子故不見傷害

以讓季歷古公卒季歷

立是為公季公季修古公遺道篤行於義諸侯順之公季卒皇甫謚曰葬郭

之法篤仁敬老慈少禮下賢者日中不暇食以待士士以此多歸

之伯夷叔齊在孤竹應劭曰在遼西今支聞西伯善養老盍往歸之太顛閎夭

篤於行義

散宜生鬻子辛甲大夫之徒皆往歸之劉向別錄曰鬻子名能封於楚辛甲故殷之臣事紂蓋七十五諫而不聽去至

周召公與語賢之告文王文王親自迎之以為公卿封長子長子今上黨所治縣是也崇侯虎譖西伯於殷紂曰西伯積

善累德諸侯皆嚮之將不利於帝帝紂乃囚西伯於羑里閔天之

徒患之乃求有莘氏美女驪戎之文馬有熊九駟他奇怪物因殷

嬖臣費仲而獻之紂紂大說曰此一物足以釋西伯况其多乎乃

赦西伯賜之弓矢斧鉞使西伯得征伐曰譖西伯者崇侯虎也西

伯乃獻洛西之地以請紂去炮烙之刑紂許之西伯陰行善諸侯

皆來決平於是虞芮之人地理志虞在河東太陽縣芮在馮翊臨晉縣有獄不能決乃如周

入界耕者皆讓畔民俗皆讓長虞芮之人未見西伯皆慙相謂曰

吾所爭周人所恥何往為祇取辱耳遂還俱讓而去諸侯聞之曰

西伯蓋受命之君明年伐犬戎山海經曰有人人面獸身名曰犬戎明年伐密須應劭曰密須氏姑姓

之國瓚曰安定陰密縣是明年敗耆國徐廣曰一作卍殷之祖伊聞之懼以告帝紂紂曰不有

天命乎是何能為明年伐邠徐廣曰邠城在野王縣西北音干明年伐崇侯虎而作豐

邑徐廣曰豐在京兆鄠縣東有靈臺鎬在上林昆明北有鎬池去豐二十五里皆在長安南數十里自岐下而徙都豐明年西伯

崩徐廣曰文王九十七乃崩太子發立是為武王西伯蓋即位五十年其囚羑里蓋

益易之八卦為六十四卦詩人道西伯蓋受命之年稱王而斷虞

芮之訟後十年而崩諡為文王改法度制正朔矣追尊古公為太

王公季為王季蓋王瑞自太王興武王即位太公望為師周公旦

為輔召公畢公之徒左右王師修文王緒業九年武王祭于畢馬融曰畢

文王墓地名也東觀兵至于盟津徐廣曰譙周云史記武王十一年東觀兵十三年克紂為文王木主載以車

中軍武王自稱太子發言奉文王以伐不敢自尊乃告司馬司徒

司空諸節馬融曰諸受符節有司也齊栗信哉予無知以先祖有德臣小子受先功

徐廣曰一云子小子受先公功畢力賞罰以定其功遂興師師尚父號曰鄭玄曰號今之軍法重者總爾

衆庶與爾舟楫後至者斬武王渡河中流白魚躍入王舟中馬融曰魚者介



鱗之物兵象也白者殷家之正色言殷之兵衆與周之象也武王俯取以祭既渡有火自上復于下至于

王屋流爲鳥其色赤其聲魄云馬融曰王屋王所居屋流行也魄然安定意也鄭玄曰書說云鳥有孝名武王卒父大業故鳥瑞臻

赤者周之正色也是時諸侯不期而會盟津者八百諸侯諸侯皆曰紂可伐

矣武王曰女未知天命未可也乃還師歸居二年聞紂昏亂暴虐

滋甚殺王子比干囚箕子太師疵少師強抱其樂器而奔周於是

武王徧告諸侯曰殷有重罪不可以不畢伐徐廣曰一作滅乃遵文王遂率

戎車三百乘虎賁三千人孔安國曰虎賁勇士稱也若虎賁言其猛也甲士四萬五千人以

東伐紂十一年十二月戊午師畢渡盟津諸侯咸會曰孳孳無怠

武王乃作太誓告于衆庶今殷王紂乃用其婦人之言自絕于天

毀壞其三正馬融曰動逆天地人也離過其王父母弟鄭玄曰王父母弟祖父母之族必言母弟舉親者言之也乃斷

棄其先祖之樂乃爲淫聲用變亂正聲怡說婦人徐廣曰怡一作辭故今予

發維共行天罰勉哉夫子鄭玄曰夫子丈夫之稱不可再不可三二月徐廣曰一作正此建丑之月殷

之正月周甲子昧爽孔安國曰昧爽也爽明早旦也武王朝至於商郊牧野乃誓孔安國曰

誓之甲子朝武王左杖黃鉞右秉白旄孔安國曰鉞以黃金飾斧左手杖鉞示無事於誅右手把旄示有事於教令以麾曰

遠矣西土之人孔安國曰勞苦之武王曰嗟我有國家君馬融曰冢大也司徒司馬司

空亞旅師氏孔安國曰亞次旅衆大夫也其位次卿師氏大夫官以兵守門千夫長百夫長孔安國曰師率卒率及庸蜀

羌髻微纪彭濮人孔安國曰八國皆蠻夷戎狄羌在西蜀叟髻微在巴蜀纪彭在西北庸濮在江漢之南馬融曰武王所率將來伐紂也稱爾

戈孔安國曰稱舉也比爾于立爾予其誓王曰古人有言牝雞無晨牝雞

之晨惟家之索孔安國曰索盡也喻婦人知外事雖代雄鳴則家盡也今殷王紂維婦人言是用自

棄其先祖肆犯不咎鄭玄曰肆祭名咎問也昏棄其家國遺其王父母弟不用

乃維四方之多罪逋逃是崇是長是信是使孔安國曰言紂棄其賢臣而尊長逃亡罪人信用之也俾

暴虐于百姓以茲軌于商國今予發維共行天之罰今日之事不

過六步七步乃止齊焉孔安國曰今日戰事不過六步七步乃止相齊言當旅進一心也夫子勉哉不過於

四伐五伐六伐七伐乃止齊焉孔安國曰伐謂擊刺也少則四五多則六七以爲例也勉哉夫子尚

桓桓鄭玄曰威武貌如虎如羆如豺如離徐廣曰此訓與螭同于商郊不禦克犇以役西

土鄭玄曰禦疆禦謂疆暴也克殺也不得暴殺紂師之犇走者當以為周之役也勉哉夫子爾所不勉其于爾身有戮

言且也鄭玄曰所誓已諸侯兵會者車四千乘陳師牧野帝紂聞武王來亦

發兵七十萬人距武王武王使師尚父與百夫致師周禮環人掌致師鄭玄曰致師者致

其必戰之志也古者將戰先使勇力之士犯敵焉春秋傳曰楚許伯御樂伯攝叔為右以致晉師許伯曰吾聞致師者御靡旌靡壘而還樂伯曰吾聞致師者左射以蔽代御執轡御下攝馬掉鞅而還攝叔曰吾聞致師者右入壘折馘執俘而還皆行其所聞而復

以大卒馳帝紂師徐廣曰帝一作商紂師雖眾皆無

戰之心心欲武王亟入紂師皆倒兵以戰以開武王武王馳之紂

兵皆崩畔紂紂走反入登于鹿臺之上蒙衣其珠玉自燔于火而

死武王持大白旗以麾諸侯諸侯畢拜武王武王乃揖諸侯諸侯

畢從武王至商國商國百姓咸待於郊於是武王使羣臣告語商

百姓曰上天降休商人皆再拜稽首武王亦荅拜遂入至紂死所

武王自射之三發而后下車以輕劔擊之以黃鉞斬紂頭縣大白

之旗已而至紂之嬖妾二女二女皆經自殺武王又射三發擊以

劔斬以玄鉞司馬法曰夏執玄鉞宋均曰玄鉞用鐵不磨礪縣其頭小白之旗武王已乃出復軍

其明日除道修社及商紂宮及期百夫荷罕旗以先驅蔡邕獨斷曰前驅有九旒雲罕

武王弟叔振鐸奉陳常車周公旦把大鉞畢公把小

鉞以夾武王散宜生太顛閎夭皆執劔以衛武王既入立于社南

大卒之左右畢從毛叔鄭奉明水周禮曰司烜氏以鑑取明水於月鄭玄曰鑑鏡屬也取月之水欲得陰陽之繫氣陳明水以為

酒玄衛康叔封布茲徐廣曰茲者籍席之名諸侯病曰負茲召公奭贊采師尚父牽牲尹佚

筴祝曰殷之末孫季紂殄廢先王明德侮蔑神祇不祀昏暴商邑

百姓其章顯聞于天上帝於是武王再拜稽首曰膺更大命革

殷受天明命武王又再拜稽首乃出封商紂子祿父殷之餘民武

王為殷初定未集乃使其弟管叔鮮蔡叔度相祿父治殷已而命

召公釋箕子之囚徐廣曰釋一作原命畢公釋百姓之囚表商容之間命南

東京賦曰雲罕九旒薛綜曰旒旗名

玄衛康叔封布茲徐廣曰茲者籍席之名諸侯病曰負茲

徐廣曰釋一作原

宮括散鹿臺之財發鉅橋之粟以振貧弱萌隸命南宮括史佚展

九鼎保玉徐廣曰保一作寶命闕天封比干之墓命宗祝享祠于軍乃罷兵

西歸行狩記政事作武成孔安國曰武功成也封諸侯班賜宗彝作分殷之器

物鄭玄曰宗彝宗廟樽也作分器皆王之命及受物武王追思先聖王乃褒封神農之後於焦地理志燕國有焦縣帝舜之後於陳

大禹之後於杞於是封功臣謀士而師尚父為首封封尚父於營

丘曰齊爾雅曰水出其前而左曰營丘郭璞曰今齊之營丘淄水過其南乃東封弟周公旦於曲阜曰魯應劭曰曲阜在魯城中委曲長七八里封召公奭於燕封弟叔鮮於管弟叔度於蔡餘各以次受

封武王徵九牧之君登幽之阜以望商邑武王至于周自夜不寐

周公旦即王所曰曷為不寐王曰告女維天不饗殷自發未生於

今六十年麋鹿在牧徐廣曰此事出周書及隨巢子云夷羊在牧牧郊也夷羊怪物也蜚鴻滿野天不享殷

今乃有成維天建殷其登名民三百六十夫不顯亦不賓滅徐廣曰一云不

頤失亦不賓失滅一又云不頤亦不恤也

求夫惡貶從殷王受日夜勞來徐廣曰一云肯來定我西土我維顯服及德

方明自洛汭延于伊汭居易毋固其有夏之居徐廣曰夏居河南初在陽城後居陽翟我南

望三塗北望嶽鄙顧瞻有河徐廣曰周書度邑曰武王問太公曰吾將因有夏之居也南望過于三塗北瞻望于有河粵詹維

伊毋遠天室營周居于維公羊傳曰入曰振旅而後去縱馬於華山之陽放牛於桃

林之虛孔安國曰桃林在華山東偃干戈振兵釋旅公羊傳曰入曰振旅示天下不復用也武王

已克殷後二年問箕子殷所以亡箕子不忍言殷惡以存徐廣曰一作前亡

國宜告武王王亦醜故問以天道武王病天下未集羣公懼穆卜

周公乃祓齋自為質欲代武王武王有瘳後而崩徐廣曰封禪書曰武

成王成王少周初定天下周公恐諸侯畔周公乃攝行政當國管

叔蔡叔羣弟疑周公與武庚作亂畔周周公奉成王命伐誅武庚

王克殷二年天下未寧而崩皇甫謚曰武王定位元年歲在乙酉六年

唐寅崩駟案皇覽曰文王武王周公冢皆在京兆長安鎬聚東社中也

太子誦代立是為

叔蔡叔羣弟疑周公與武庚作亂畔周周公奉成王命伐誅武庚

一本無定字

一本無三王字

管叔放蔡叔以微子開代殷後國於宋頗收殷餘民以封武王少弟封為衛康叔晉唐叔得嘉穀鄭玄曰二苗同為一穗獻之成王成王以歸周

公子兵所徐廣曰歸一作餽周公受禾東土魯天子之命徐廣曰尚書序云旅天子之命初管蔡

畔周周公討之三年而畢定故初作大誥次作微子之命孔安國曰封命之書

次歸禾次嘉禾次康誥酒誥梓林孔安國曰告康叔以為政之道亦如梓人之治材也其事在周公

之篇周公行政七年成王長周公反政成王北面就羣臣之位成

王在豐使召公復營洛邑如武王之意周公復卜申視卒營築居

九鼎焉曰此天下之中四方入貢道里均作召誥洛誥成王既遷

殷遺民周公以王命告作多士無佚召公為保周公為師東伐淮

夷殘奄鄭玄曰奄國在淮夷之北遷其君薄姑馬融曰齊地成王自奄歸在宗周作多方孔安

國曰告眾方天下諸侯既紂殷命襲淮夷歸在豐作周官孔安國曰言周家設官分職用人之法古文尚書敘周官書篇名何休曰頌聲者太平歌頌之聲帝王之高致也

興正禮樂度制於是改而民和睦頌聲興成王既

伐東夷息慎來賀王賜榮伯作賄息慎之命孔安國曰賄賜也馬融曰榮伯周同姓畿內諸侯為卿大夫也

成王將崩懼太子釗之不任乃命召公畢公率諸侯以相太子而立之成王既崩二公率諸侯以太子釗見於先王廟申告以文王

武王之所以為王業之不易務在節儉毋多欲以篤信臨之作顧命鄭玄曰臨終出命故謂之顧顧將去之意也太子釗遂立是為康王康王即位徧告諸侯宣

告以文武之業以申之作康誥故成康之際天下安寧刑錯四十餘年不用應劭曰錯置也民不犯法無所置刑康王命作策畢公分居里成周郊孔安國曰居里異其善惡也成定東周郊境使有保護也作畢命康王卒子昭王瑕立昭王之時王道微缺

昭王南巡狩不返卒於江上其卒不赴告諱之也立昭王子滿是為穆王穆王即位春秋已五十矣王道衰微穆王閔文武之道缺

乃命伯冏孔安國曰伯冏名也申誡徐廣曰一作部太僕應劭曰太僕周穆王所置蓋太御眾僕之長中大夫也國之政作

舉命復寧穆王將征犬戎徐廣曰犬一作吠祭公謀父諫韋昭曰祭畿內之國周公之後為王卿士謀父字也曰

不可先生耀德不觀兵夫兵戢而時動動則威觀則玩玩則無震

韋昭曰是故周文公之頌韋昭曰文公曰載戢干戈載櫜弓矢唐固曰我

求懿德肆于時夏允王保之韋昭曰言武王常求美德故陳其功於是夏而歌先

王之於民也茂正其德而厚其性阜其財求而利其器用明利害

之鄉韋昭曰以文修之使之務利而辟害懷德而畏威故能保世以

滋大昔我先王世后稷韋昭曰謂稷與不窋也以服事虞夏及夏之衰也棄

稷不務我先王不窋用失其官而自竄於戎狄之間不敢怠業時

序其德遵修其緒徐廣曰遵一作選修其訓典朝夕恪勤守以敦篤奉以忠

信奕世載德不忝前人至于文王武王昭前之光明而加之以慈

和事神保民無不欣喜商王帝辛大惡于民庶民不忍訢載武王

以致戎于商牧是故先王非務武也勤恤民隱而除其害也夫先

王之制邦內甸服邦外侯服侯衛賓服韋昭曰此總言之也夷蠻要服

戎翟荒服甸服者祭韋昭曰侯服者祀韋昭曰賓服者享韋昭曰要服者

貢韋昭曰荒服者王韋昭曰王王事天子日祭月祀時享歲貢終王先王

之順祀也徐廣曰外傳云先王之訓有不祭則修意韋昭曰先修志意以自

言韋昭曰言號令也有不享則修文韋昭曰文典法也有不貢則修名韋昭曰名謂尊卑

不王則修德韋昭曰遠人不服則修文德以來之序成而有不至則修刑韋昭曰序成謂上五者

刑罰也於是刑不祭伐不祀征不享讓不貢告不王於是有刑罰

之辟有攻伐之兵有征討之備有威讓之命有文告之辭布令

陳辭而有不至則增修於德無勤民於遠是曰近無不聽遠無

不服今自大畢伯士之終也徐廣曰犬戎之君犬戎氏曰其職來王天子

曰予必曰不享征之且觀之兵無乃廢先王之訓而王幾頓乎

吾聞犬戎樹敦徐廣曰樹一作樹鞏案韋昭曰率舊德而守終純固其有

曰禦我矣王遂征之得四白狼四白鹿曰歸自是荒服者不至

諸侯有不睦者甫侯言於王作修刑辟鄭玄曰書說云周穆王以甫侯為相王曰吁來

有國有士告汝祥刑孔安國曰告汝善用刑之道也在今爾安百姓何擇非其人王肅

曰訓以安百姓之道當何所選擇乎非當選擇賢人乎何敬非其刑何居非其宜與孔安國曰當何所敬非唯五刑乎當何所

辭簡信正於五刑孔安國曰五辭簡核信有罪驗則正之於五刑矣五刑不簡正於五罰孔安國曰不簡

官獄內獄閱實其罪孔安國曰使與罰名相當惟鈞其過馬融曰以此五過出入罪與犯法者等五刑之

疑有赦五罰之疑有赦其審克之孔安國曰刑疑赦從罰罰疑赦從免其當清察能得其理也簡信有

衆惟訊有稽孔安國曰簡核誠信有合衆心惟察其貌有所考合重之至也無簡不疑共嚴天威孔安國曰無簡核誠

劓辟疑赦其罰倍灑徐廣曰一作五倍曰徒孔安國曰倍百為二百鏹也閱實其罪臙辟疑赦其罰

倍差馬融曰倍二百為四百鏹也差者又加四閱實其罪宮辟疑赦其罰五百

徐廣曰一作六率閱實其罪大辟疑赦其罰千率閱實其罪墨罰之屬千劓

刑之屬三千命曰甫刑穆王立五十五年崩子共王繁扈立共王

游於涇上密康公從韋昭曰康公密國之君姬姓也有三女犇之其母曰必致之王列女傳曰

夫獸三為羣人三為衆女三為衆王田不取羣公行不下衆

王御不參一族韋昭曰御妻官也參三也一族一父子也故取姪娣以備三不參一族之女也夫粲美之物也衆以美物

歸女而何德以堪之王猶不堪況爾之小醜乎小醜備物終必亡

康公不獻一年共王滅密共王崩子懿王囂立懿王之時王室遂

衰詩人作刺懿王崩共王弟辟方立是為孝王孝王崩諸侯復立

懿王太子燮是為夷王夷王崩子厲王胡立厲王即位三十年好

利近榮夷公大夫芮良夫諫厲王曰王室其將卑乎夫榮公好專

利而不知大難夫利百物之所生也天地之所載也而有專之其

害多矣。天地百物皆將取焉，何可專也？所怒甚多，而不備大難以是教王，王其能久乎？夫王人者將導利而布之，上下者也。使神人百物無不得極，韋昭曰：極中也。猶曰：怵惕懼怨之來也。故頌曰：思文后稷，克配彼天，立我蒸民，莫匪爾極。大雅曰：陳錫載周。唐固曰：言文王布錫施利以載成周道也。是不布利而懼難乎？故能載周以至於今。今王學專利，其可乎？匹夫專利猶謂之盜王而行之，其歸鮮矣。榮公若用周，必敗也。厲王不聽，卒以榮公為卿士，用事。王行暴虐，侈傲，國人謗王。召公諫曰：韋昭曰：召康公之後，穆公虎為王卿士也。民不堪命矣。王怒，得衛巫，韋昭曰：衛國之巫也。使監謗者，以告則殺之。其謗鮮矣。諸侯不朝三十四年。王益嚴，國人莫敢言，道路以目。韋昭曰：目相眄而已。厲王喜，告召公曰：吾能弭謗矣，乃不敢言。召公曰：是鄣之也。防民之口，甚於防水。水壅而潰，傷人必多；民亦如之，是故為水者決之，使導為民者宣之，使言。故天子聽政，使公卿至於列士獻詩，

**瞽獻典**

韋昭曰：典樂典。

**史獻書師箴**

**賦**

**矇誦**

韋昭曰：有眸子而無見曰矇。周禮：矇

主弦歌諷誦箴諫之語也。

**百工諫，庶人傳語。**

韋昭曰：庶人卑賤見時得失不得言，傳以語士。

**近臣盡規。**

近臣，驂僕之屬。**親戚補**

**察，瞽史教誨。**

瞽樂太師，史太史也。

**耆艾修之。**

韋昭曰：耆艾，師傅也。修理瞽史之教以聞於王。

**而后王斟酌焉，是以事行而不悖。**

**民之有口也，猶土之有山川也。**

唐固曰：下平曰沃。

**財用於是乎出，猶其有原隰衍沃也。**

**衣食於是乎生，口之宣言也。**

唐固曰：下平曰沃。

**善敗於是乎興，行善而備敗，所以產財用衣食者也。**

**夫民慮之於心，而宣之於口，成而行之。若壅其口，其與能幾何？王不聽，於是國莫敢出言。**

**三年，乃相與畔，襲厲王。厲王出奔於彘。**

韋昭曰：彘，晉地，漢為縣，屬河東。今曰永安。

**厲王太子**

**靜，匿召公之家。國人聞之，乃圍之。召公曰：昔吾驟諫王，王不從以**

**及此難也。今殺王太子，王其以我為讐而懟怒乎？夫事君者險而**

**不讐，懟韋昭曰：在危險之中。怨而不怒，況事王乎？乃以其子代王太子。太子竟**

**得脫。召公、周公二相行政，號曰共和。共和十四年，厲王死于彘。太**

**史記曰：得脫。召公、周公二相行政，號曰共和。共和十四年，厲王死于彘。太**

子靜長於召公家二相乃共立之為王是為宣王宣王即位二相  
輔之修政法文武成康之遺風諸侯復宗周十二年魯武公來朝  
宣王不修籍於千畝虢文公諫曰賈逵曰文公文王母弟虢仲之後為王卿士也  
不可王弗聽三十九年戰于千畝王師敗績于姜氏之戎韋昭曰  
種四嶽之後也宣王既亡南國之師乃料民於太原韋昭曰敗於姜戎時所亡也南國漢  
仲山甫諫曰民不可料也宣王不聽卒料民四十六年宣王崩子  
幽王宮涅立徐廣曰一作生幽王二年西周三川皆震徐廣曰涇渭洛也駟案韋昭曰  
伯陽甫曰周將亡矣韋昭曰伯陽父周大夫也唐固曰伯陽父周柱下史老子也夫天地之氣不失其序  
若過其序民亂之也韋昭曰過失也言民不敢斥王者也陽伏而不能出陰迫而不能蒸  
韋昭曰蒸升也陽氣在下陰氣迫之使不能升也於是地地震今三川實震是陽失其所而填陰  
也韋昭曰為陰所鎮窄也陽失而在陰韋昭曰在陰下也原必塞原塞國必亡夫水土演而  
民用也韋昭曰水土氣通為演演猶潤也演則生物民得用之土無所演民乏財用不亡何待昔伊

洛竭而夏亡韋昭曰禹都陽城伊洛所近也河竭而商亡韋昭曰商人都衛河水所經也今周德若二代之

季矣其川原又塞塞必竭夫國必依山山川崩川竭亡國之徵也  
川竭必山崩韋昭曰水泉不潤枯朽而崩也若國亡不過十年數之紀也韋昭曰數起於一

曰紀也天之所棄不過其紀是歲也三川竭岐山崩三年幽王嬖愛褒  
姒褒姒生子伯服幽王欲廢太子太子母申侯女而為后後幽王

得褒姒愛之欲廢申后并去太子宜曰以褒姒為后以伯服為太  
子周太史伯陽讀史記曰周亡矣昔自夏后氏之衰也有二神龍

止於夏帝庭而言曰余褒之二君虞翻曰龍自號褒之二先君也夏帝卜殺之與去之

與止之莫吉卜請其粦而藏之乃吉韋昭曰粦龍所吐沫沫龍之精氣也於是布幣而策

告之韋昭曰以簡策之書告龍而請其粦也龍亡而粦在櫝而去之韋昭曰櫝積也夏亡傳此器殷殷  
亡又傳此器周比三代莫敢發之至厲王之末虞翻曰末年王流彘之歲發而觀之  
粦流于庭不可除厲王使婦人裸而譟之韋昭曰譟呼也唐固曰羣呼曰譟粦化為玄龜



以人王後宮後宮之童妾既亂而遭之韋昭曰毀齒曰亂既笄而孕無

夫而生子懼而棄之宣王之時童女謠曰檠弧箕服實亡周國韋昭曰山

於道而見鄉者後宮童妾所棄妖子徐廣曰妖一作天天幼少也出於路者聞其夜

啼哀而收之夫婦遂亡犇於褒褒人有罪請入童妾所棄女子者

於王以贖罪棄女子出於褒是為褒姒當幽王三年王之後宮見

而愛之生子伯服竟廢申后及太子以褒姒為后伯服為太子太

史伯陽曰禍成矣無可奈何褒姒不好笑幽王欲其笑萬方故不

笑幽王為粼粼大鼓有寇至則舉烽火諸侯悉至至而無寇褒姒

乃大笑幽王說之為數舉烽火其後不信諸侯益亦不至幽王以

號石父為卿用事國人皆怨石父為人佞巧徐廣曰佞一作諂善諛好利王

用之又廢申后去太子也申侯怒與繒西夷犬戎攻幽王幽王舉

烽火徵兵兵莫至遂殺幽王驪山下虜褒姒盡取周賂而去汲冢紀年曰日

武王滅殷以至幽王凡二百五十七年也於是諸侯乃即申侯而共立故幽王太子宜曰是為

平王以奉周祀平王立東遷于維周禮曰九命作伯鄭眾云長諸侯為方伯四十九年魯

諸侯強并弱齊楚秦晉始大政由方伯周禮曰九命作伯鄭眾云長諸侯為方伯四十九年魯

隱公即位五十一年平王崩太子洩父蚤死立其子林是為桓王

桓王平王孫也桓王三年鄭莊公朝桓王不禮五年鄭怨與魯易

許田許田天子之用事太山田也八年魯殺隱公立桓公十三年

伐鄭鄭射傷桓王桓王去歸二十三年桓王崩子莊王佗立莊王

四年周公黑肩欲殺莊王而立王子克賈逵曰莊王弟子儀也辛伯告王賈逵曰辛伯周大夫也

王殺周公王子克犇燕十五年莊王崩子釐王胡齊立釐王三年

齊桓公始霸五年釐王崩子惠王闔立惠王二年初莊王嬖姬姚

生子穉穉有寵及惠王即位奪其大臣園以為囿左傳曰大臣為國也故大夫

生子穉穉有寵及惠王即位奪其大臣園以為囿左傳曰大臣為國也故大夫

生子穉穉有寵及惠王即位奪其大臣園以為囿左傳曰大臣為國也故大夫

生子穉穉有寵及惠王即位奪其大臣園以為囿左傳曰大臣為國也故大夫

邊伯等五人作亂左傳曰五人者為國邊伯管父子禽祝跪也謀召燕衛師伐惠王惠王奔温

已居鄭之櫟服虔曰櫟鄭大都立釐王弟穰為王樂及徧舞賈逵曰徧舞皆舞六代之樂也鄭虢

君怒四年鄭與虢君伐殺王穰復入惠王惠王十年賜齊桓公為

伯二十五年惠王崩子襄王鄭立襄王母早死後母曰惠后左傳曰陳嬀歸

于京師實惠后也惠后生叔帶有寵於惠王襄王畏之三年叔帶與戎翟謀

伐襄王襄王欲誅叔帶叔帶奔齊齊桓公使管仲平戎于周使隰

朋平戎于晉服虔曰戎伐周晉伐戎救周故和也王以上卿禮管仲管仲辭曰臣賤有司

也有天子之二守國高在杜預曰國子高子天子所命為齊守臣皆上卿也若節春秋來承王命

何以禮焉賈逵曰節時也王肅曰春秋聘享之節也陪臣敢辭服虔曰陪重也諸侯之臣於天子故曰陪臣王曰舅氏余嘉

乃勲賈逵曰舅氏言伯舅之使也母逆朕命管仲卒受下卿之禮而還九年齊桓公

卒十二年叔帶復歸于周左傳曰王召之十三年鄭伐滑賈逵曰滑姬姓之國駟案左傳曰滑人叛鄭而服於衛也

王使游孫伯服請滑賈逵曰二子周大夫鄭人囚之鄭文公怨惠王之人不與

王使

厲公爵服虔曰惠王以后之鑿鑿與之厲公而獨與號公王爵又怨襄王之與衛滑服虔曰滑小國近鄭世世

聽命後自愬於王王以與衛故囚伯服王怒將以翟伐鄭富辰諫服虔曰富辰周大夫曰凡我周

之東徙晉鄭焉依子積之亂又鄭之由定今以小怨棄之王不聽

十五年王降翟師以伐鄭王德翟人將以其女為后富辰諫曰平

桓莊惠皆受鄭勞王棄親親翟不可從王不聽十六年王絀翟后

翟人來誅殺譚伯唐固曰譚伯周大夫原伯毛伯也富辰曰吾數諫不從如是不出王

以我為懟乎乃以其屬死之初惠后欲立王子帶故以黨開翟人

翟人遂入周襄王出奔鄭鄭居王於汜杜預曰鄭南汜在襄城縣南子帶立為王取

襄王所絀翟后與居温十七年襄王告急于晉晉文公納王而誅

叔帶襄王乃賜晉文公珪鬯弓矢為伯以河內地與晉二十年晉

文公召襄王襄王會之河陽踐土賈逵曰河陽晉之温也踐土鄭地名在河內諸侯畢朝書諱

曰天王狩于河陽左傳曰仲尼曰以臣召君不可以訓故書曰狩二十四年晉文公卒三十一年

秦穆公卒三十二年襄王崩子頃王壬臣立頃王六年崩子匡王

班立匡王六年崩弟瑜立是為定王定王元年楚莊王伐陸渾之

戎地理志陸渾縣屬弘農郡次洛使人問九鼎王使王孫滿應設以辭賈逵曰王孫滿周大夫也楚兵

乃去十年楚莊王圍鄭鄭伯降已而復之十六年楚莊王卒二十

一年定王崩子簡王夷立簡王十三年晉殺其君厲公迎子周於

周立為悼公十四年簡王崩子靈王泄心立靈王二十四年齊崔

杼弒其君莊公二十七年靈王崩皇覽曰靈王家在河南城西南桓亭西周山上蓋以靈王生而有髭而神故諡靈王其家民祀

之不絕子景王貴立景王十八年后太子聖而早卒二十年景王愛子

朝賈逵曰景王之長庶子欲立之會崩皇覽曰景王家在洛陽太倉中秦封呂不韋洛陽十萬戶故大其城并圍景王家也子丐之黨與

爭立國人立長子猛為王子朝攻殺猛猛為悼王晉人攻子朝而

立丐是為敬王賈逵曰敬王猛母弟敬王元年晉人入敬王子朝自立敬王不

得人居澤賈逵曰澤邑周地也四年晉率諸侯入敬王子朝為臣

晉十七年晉定公遂入敬王子周三十九年齊田常殺其君簡公

四十年楚滅陳孔子卒四十二年敬王崩徐廣曰皇甫謐曰敬王十四年元巳卯崩壬戌也子

元王仁立徐廣曰世本云貞王介也元王八年崩子定王介立徐廣曰世本云元王亦也皇甫謐曰元王十一年癸未三晉滅

智伯二十八年崩王子爭立立應為貞王定王十六年三晉滅智伯分有其地二十八年定王

崩徐廣曰皇甫謐曰貞定王十年元癸亥崩壬申長子去疾立是為哀王哀王立三月弟叔襲殺

哀王而自立是為思王思王立五月少弟鬼攻殺思王而自立是

為考王此三王皆定王之子考王十五年崩徐廣曰皇甫謐曰考王元年辛丑崩乙卯子威烈

王午立考王封其弟子河南是為桓公以續周公之官職桓公卒

子威公代立威公卒子惠公代立乃封其少子於鞏徐廣曰惠公之子也以奉王

號東周惠公威烈王二十三年九鼎震命韓魏趙為諸侯二十四

年崩徐廣曰皇甫謐曰元丙辰崩巳卯駟索子安王驕立是歲盜殺楚聲王安

宋忠曰威烈王葬洛陽城中東北隅也

已巳日

已巳日

已巳日

覽曰子朝家在南陽西鄂縣今西鄂晁氏自謂子晁後也

諸侯城周十六年子朝之徒復作亂敬王犇于

十四年元巳卯崩壬戌也

徐廣曰世本云元王亦也皇甫謐曰元王十一年癸未三晉滅

智伯二十八年崩王

子爭立立應為貞王

徐廣曰皇甫謐曰考王元年辛丑崩乙卯

徐廣曰惠公之子也

徐廣曰皇甫謐曰元丙辰崩巳卯駟索

宋忠曰威烈王葬洛陽城中東北隅也

已巳日

已巳日

已巳日

已巳日

已巳日

已巳日

王立二十六年崩皇甫謐曰安王元庚辰崩乙巳子烈王喜立烈王二年周太史儋見

秦獻公曰始周與秦國合而別應劭曰周孝王封伯翳之後為侯伯與周別五百載別五百載復合合十七歲而霸

王者出焉韋昭曰武昭王皆伯至始皇而王天下十年烈王崩弟扁立是為

顯王顯王五年賀秦獻公獻公稱伯九年致文武胙於秦孝公胙胙

秦孝公三十三年賀秦惠王三十五年致文武胙於秦惠王四十

四年秦惠王稱王其後諸侯皆為王四十八年顯王崩子慎靚王

定立慎靚王立六年崩子赧王延立王赧時東西周分治王赧徙

都西周西周武公徐廣曰惠公之長子之共太子死有五庶子毋適立司馬翦

謂楚王曰不如以地資公子咎為請太子左成曰不可周不聽是

公之知困而交疏於周也不如請周君孰欲立以微告翦翦請令

楚賀之以地果立公子咎為太子八年秦攻宜陽楚救之而楚以

周為秦故將伐之蘇代為周說楚王曰何以周為秦之禍也言周

之為秦甚於楚者欲令周入秦也故謂周秦也周知其不可解必

入於秦此為秦取周之精者也為王計者周於秦因善之不於秦

亦言善之以疏之於秦周絕於秦必入於郢矣秦借道兩周之間

將以伐韓周恐借之畏於韓不借畏於秦史厭謂周君曰何不令

人謂韓徐廣曰一作可應劭曰氏姓注云以何姓為韓後公叔曰秦之敢絕周而伐韓者信東周

也公何不與周地發質使之楚秦必疑楚不信周是韓不伐也又

謂秦曰韓強與周地將以疑周於秦也周不敢不受秦必無辭而

令周不受是受地於韓而聽於秦秦召西周君西周君惡往故令

人謂韓王曰秦召西周君將以使攻王之南陽也王何不出兵於

南陽周君將以為辭於秦周君不入秦秦必不敢踰河而攻南陽

矣東周與西周戰韓救西周或為東周說韓王曰西周故天子之國多名器重寶王案兵毋出可以德東周而西周之寶必可以盡矣王報謂成君楚圍雍氏徐廣曰陽翟雍氏城也戰國策曰韓兵入西周西周令成君辯說秦求救當是說此事而脫誤也韓徵甲與粟於東周東周君恐召蘇代而告之代曰君何患於是臣能使韓毋徵甲與粟於周又能為君得高都徐廣曰今河南新城縣高都城也周君曰子苟能請以國聽子代見韓相國曰漢書百官表曰相國秦官謂韓亦有相國然則諸國其放秦也楚圍雍氏期三月也今五月不能拔是楚病也今相國乃徵甲與粟於周是告楚病也韓相國曰善使者已行矣代曰何不與周高都韓相國大怒曰吾毋徵甲與粟於周亦已多矣何故與周高都也代曰與周高都是周折而入於韓也秦聞之必大怒忿周即不通周使是以弊高都得完周也曷為不與相國曰善果與周高都三十四年蘇厲謂周君曰秦破韓魏扑師武徐廣曰扑一作什戰國策曰秦敗魏將犀武於伊闕北取趙蘭離石

者地理志曰西河有趙蘭離石二縣皆白起也是善用兵又有天命今又將兵出塞攻梁梁破則周危矣君何不令人說白起乎曰楚有養由基者善射者也去柳葉百步而射之百發而百中之左右觀者數千人皆曰善射有一夫立其旁曰善可教射矣養由基怒釋弓搯劍曰客安能教我射乎客曰非吾能教子支左紉右也夫去柳葉百步而射之百發而百中之不以善息少焉氣衰力倦弓撥矢鉤一發不中者百發盡息今破韓魏扑師武北取趙蘭離石者公之功多矣今又將兵出塞過兩周倍韓攻梁一舉不得前功盡棄公不如稱病而無出四十二年秦破華陽約徐廣曰一作厄馬犯謂周君曰請令梁城周乃謂梁王曰周王病若死則犯必死矣犯請以九鼎自入於王王受九鼎而圖犯梁王曰善遂與之卒言戍周因謂秦王曰梁非戍周也將伐周也王試出兵境以觀之秦果出兵又謂梁王曰周王

病甚矣。犯請後可而復之。今王使卒之周，諸侯皆生心。後舉事且不信，不若令卒為周城，以匿事端。梁王曰：善。遂使城周。四十五年，周君之秦客謂周最曰：公不若譽秦王之孝，因以應為太后養地。徐廣曰：地理志云：應今潁川父城縣應鄉是也。秦王必喜，是公有秦交，交善。周君必以為公功，交惡。勸周君入秦者，必有罪矣。秦攻周而周最謂秦王曰：為王計者，不攻周，攻周實不足以利聲畏天下，天下以聲畏秦，必東合於齊。兵弊於周，合天下於齊，則秦不王矣。天下欲弊秦，勸王攻周，秦與天下弊，則令不行矣。五十八年，三晉距秦，周令其相國之秦，以秦之輕也，還其行。客謂相國曰：秦之輕重未可知也。秦欲知三國之情，公不如急見秦王，曰：請為王聽東方之變。秦王必重公，重公是秦重周，周以取秦也。齊重則固有周聚。徐廣曰：一作最。最亦古之聚字。以收齊，是周常不失重國之交也。秦信周，發兵攻三晉。五十九年，秦取韓陽城，負秦

徐廣曰：陽城有負黍聚。

西周恐倍秦，與諸侯約從。

文穎曰：關東為從，關西為橫。孟康曰：南北為從，東西為橫。贊曰：以利合曰從，以威勢相脅曰橫。

漢書百官表曰：前後左右將軍皆周末官也。

將天下銳師出伊闕，攻秦，令秦無得通陽城。秦昭王怒，使將軍摎

口三萬，秦受其獻，歸其君於周。周君王赧卒。宋忠曰：諡曰西周武公。

周民遂東亡。

秦取九鼎寶器而遷西周公於黽狐。

徐廣曰：黽音憚，與陽人聚相近。在洛陽南百五十里，梁新城之間。後七

歲，秦莊襄王滅東西周。

徐廣曰：周比亡之時，凡七縣河南洛陽穀城平陰偃師鞏緱氏。

東西周皆入于秦，周

既不祀。

皇甫謐曰：周凡三十七王，八百六十七年。

太史公曰：學者皆稱周伐紂，居洛邑，綜其實不然。武王營之，成王

使召公卜居，居九鼎焉。而周復都豐，鄗至犬戎敗幽王，周乃東徙

于洛邑。所謂周公葬我，畢畢在鎬，東南杜中。

徐廣曰：一作社。秦滅周，漢興九

十有餘載，天子將封太山，東巡狩，至河南，求周苗裔，封其後嘉三

十里地，號曰周子南君。

贊曰：汲冢古文謂衛將軍文子為子南，彌牟其後有子南勁，朝于魏，後惠成王如衛，命子南為侯。秦并六國，衛最為後疑。

嘉是衛後故氏  
子南而稱君也

比列侯以奉其先祭祀

徐廣曰自周亡乙巳至元鼎四年戊辰一百四十四年漢之九十四年也漢武元鼎四年封周

史記四終

魏川宅鳳堂  
氏雷國南甫

史記五

秦本紀第五

魏川宅鳳堂  
氏雷國南甫

秦之先帝顓頊之苗裔孫曰女修女修織玄鳥隕卵女修吞之生子大業大業取少典之子曰女華女華生大費與禹平水土已成帝錫玄圭禹受曰非予能成亦大費為輔帝舜曰咨爾費贊禹功其賜爾阜游爾後嗣將大出乃妻之姚姓之玉女徐廣曰皇甫謐云賜之玄玉妻以姚姓之女也大費拜受佐舜調馴鳥獸鳥獸多馴服是為栢翳舜賜姓嬴氏大費生子二人一曰大廉實鳥俗氏二曰若木實費氏其玄孫曰費昌子孫或在中國或在夷狄費昌當夏桀之時去夏歸商為湯御以敗桀於鳴條太廉玄孫曰孟戲中衍鳥身人言帝太戊聞而卜之使御吉遂致使御而妻之自太戊以下中衍之後遂世有功以佐殷國故嬴姓多顯遂為諸侯其玄孫曰中湣徐廣曰一作滑在西戎保西

反古易  
臣

垂生蜚廉蜚廉生惡來惡來有力晏子春秋曰手裂虎兕蜚廉善走父子俱以材

力事殷紂周武王之伐紂并殺惡來是時蜚廉為紂石北方徐廣曰皇甫謐

云作石椁於北方還無所報為壇霍太山地理志霍太山在河東疑縣而報得石棺銘曰帝令

處父不與殷亂賜爾石棺以華氏死遂葬於霍太山皇甫謐云去疑縣十里

蜚廉復有子曰季勝季勝生孟增孟增幸於周成王是為宅皐狼

皐狼生衡父衡父生造父造父以善御幸於周繆王得驥温驪徐廣曰

曰温作盜駟按郭璞驥郭璞云色如華而赤今名馬驥耳之駟郭璞曰紀年云北唐之

云為馬細頸驪黑色驥驥赤者為棗駟驥馬赤也驥耳之駟君來見以一驪馬是生

綠耳八駿皆因其毛色以為名號駟按穆天子傳穆王有八駿之乘此紀不具者也西巡狩樂而忘歸郭璞曰紀年云穆王十七年西征於崑崙丘見西王母

徐偃王作亂地理志臨淮有徐縣云故徐國尸子曰徐偃王有術而無骨駟謂號偃由此造父為繆王御長驅歸周

一日千里以救亂繆王以趙城封造父徐廣曰趙城在河東永安縣造父族由此為

趙氏自蜚廉生季勝已下五世至造父別居趙趙衰其後也惡來

革者蜚廉子也早死有子曰女防女防生旁皐旁皐生太几太几

生大駱大駱生非子以造父之寵皆蒙趙城姓趙氏非子居犬丘

徐廣曰今槐里也好馬及畜善養息之犬丘人言之周孝王孝王召使主馬于

汧渭之間馬大蕃息孝王欲以為大駱適嗣申侯之女為大駱妻

生子成為適申侯乃言孝王曰昔我先酈山之女為戎胥軒妻生

中湍以親故歸周係西垂西垂以其故和睦今我復與大駱妻生

適子成申駱重婚西戎皆服所以為王王其圖之於是孝王曰昔

柏翳為舜主畜畜多息故有土賜姓嬴今其後世亦為朕息馬朕

其分土為附庸邑之秦徐廣曰今天水隴西縣秦亭也使復續嬴氏祀號曰秦嬴亦不

廢申侯之女子為駱適者以和西戎秦嬴生秦侯秦侯立十年卒

生公伯公伯立三年卒生秦仲秦仲立三年周厲王無道諸侯或

叛之西戎反王室滅犬丘大駱之族周宣王即位徐廣曰秦仲之十八年也乃以秦

仲為大夫誅西戎西戎殺秦仲秦仲立二十三年死於戎毛詩序曰秦仲始大



有車馬禮樂侍御之好也

有子五人其長者曰莊公周宣王乃召莊公昆弟五人與兵七千人使伐西戎破之於是復予秦仲後及其先大駱地犬丘并有之為西垂大夫莊公居其故西犬丘生子三人其長男世父世父曰戎殺我大父仲我非殺戎王則不敢入邑遂將擊戎讓其弟襄公襄公為太子莊公立四十四年卒太子襄公代立襄公元年以女弟繆嬴為豐王妻襄公二年戎圍犬丘世父世父擊之為戎人所虜歲餘復歸世父七年春周幽王用褒姒廢太子立褒姒子為適數欺諸侯諸侯叛之西戎犬戎與申侯伐周殺幽王酈山下而秦襄公將兵救周戰甚力有功周避犬戎難東徙雒邑襄公以兵送周平王平王封襄公為諸侯賜之岐以西之地曰戎無道侵奪我岐豐之地秦能攻逐戎即有其地與誓封爵之襄公於是始國與諸侯通使聘享之禮乃用駟駒徐廣曰赤馬黑髦曰駟黃牛羝羊各三

祠上帝西時

徐廣曰年表云立西時祠白帝

十二年伐戎而至岐卒生文公文公元年

居西垂宮三年文公以兵七百人東獵四年至汧渭之會曰昔周

邑我先秦嬴於此後卒獲為諸侯乃卜居之占曰吉即營邑之十

年初為鄜時徐廣曰鄜縣屬馮翊用三牢十三年初有史以紀事民多化者十

六年文公以兵伐戎戎敗走於是文公遂收周餘民有之地至岐

岐以東獻之周十九年得陳寶二十年法初有三族之罪張晏曰父母兄弟妻子也

如淳曰文族母族妻族也二十七年伐南山大梓豐大特徐廣曰今武都故道有怒特祠圖大牛上生樹本有牛從木中出後見於豐水

四十八年文公太子卒賜諡為靖公徐廣曰文公之四十四年魯隱之元年靖公之長子

為太子是文公孫也五十年文公卒葬西山徐廣曰皇甫謐云葬於西山在今隴西之西縣靖公

子立是為寧公徐廣曰一作曼寧公二年公徙居平陽徐廣曰郿之平陽亭遣兵伐蕩社

徐廣曰蕩音湯社一作杜三年與亳戰亳王奔戎遂滅蕩社皇甫謐云亳王號湯西夷之國也四年魯公

子翬弑其君隱公十二年伐蕩氏取之寧公生十歲立立十二年

卒葬西山生子三人長男武公為太子武公弟德公同母魯姬子  
生出子寧公卒大庶長弗忌威壘三父廢太子而立出子為君出  
子六年三父等復共令人賊殺出子出子生五歲立立六年卒三  
父等乃復立故太子武公武公元年伐彭戲氏至於華山下居平  
陽封宮二年誅三父等而夷三族以其殺出子也鄭高渠昧殺其  
君昭公十年伐邾莒戎初縣之地理志隴西有上邽縣應劭曰即邽戎邑也黃縣屬天水郡十一年初縣  
杜鄭地理志京兆有鄭縣杜縣也滅小虢班固曰西虢在雍州十三年齊人管至父連稱等殺其君  
襄公而立公孫無知晉滅霍魏耿齊雍廩殺無知管至父等而立  
齊桓公齊晉為強國十九年晉曲沃始為晉侯齊桓公伯於鄆二  
十年武公卒葬雍平陽初以人從死從死者六十六人有子一人  
名曰白白不立封平陽立其弟德公元年初居雍城徐廣曰今縣在扶風  
大鄭宮以犧三百牢祠酈時卜居雍後子孫飲馬於河梁伯芮伯

來朝二年初伏孟康曰六月伏日初也周時無至此乃有之以狗禦蠱徐廣曰年表云初作伏祠社磔狗邑四門也德公生  
三十三歲而立立二年卒生子三人長子宣公中子成公少子穆  
公長子宣公立宣公元年衛燕伐周出惠王立王子穰三年鄭伯  
虢叔殺子穰而入惠王四年作密時與晉戰河陽勝之十二年宣  
公卒生子九人莫立立其弟成公元年梁伯芮伯來朝齊桓  
公伐山戎次于孤竹成公立四年卒子七人莫立立其弟繆公繆  
公任好元年自將伐茅津勝之四年迎婦於晉晉太子申生姊也  
其歲齊桓公伐楚至邵陵五年晉獻公滅虞虢虢虞君與其大夫  
百里奚以璧馬賂於虞故也既虜百里奚以為秦穆公夫人勝於  
秦百里奚亡秦走宛地理志南陽有宛縣楚鄙人執之繆公聞百里奚賢欲重贖  
之恐楚人不與乃使人謂楚曰吾勝臣百里奚在焉請以五羖羊  
皮贖之楚人遂許與之當是時百里奚年已七十餘繆公釋其囚

與語國事謝曰臣亡國之臣何足問繆公曰虞君不用子故亡非子罪也固問語三日繆公大說授之國政號曰五殺大夫百里奚讓曰臣不及臣友蹇叔蹇叔賢而世莫知臣嘗游困於齊而乞食餽人徐廣曰餽一作餽蹇叔收臣臣因而欲事齊君無知蹇叔止臣臣得脫齊難遂之周周王子穰好牛臣以養牛干之及穰欲用臣蹇叔止臣臣去得不誅事虞君蹇叔止臣臣知虞君不用臣臣誠私利祿爵且畱再用其言得脫一不用及虞君難是以知其賢於是穆公使人厚幣迎蹇叔以為上大夫秋繆公自將伐晉戰於河曲徐廣曰一作西駟案公羊傳曰河千里而一曲也服虔曰河曲晉地杜預曰河曲在蒲坂南晉驪姬作亂太子申生死新城重耳夷吾出犇九年齊桓公會諸侯於葵丘晉獻公卒立驪姬子奚齊其臣里克殺奚齊荀息立卓子徐廣曰一作倬克又殺卓子及荀息夷吾使人請秦求入晉於是繆公許之使百里奚將兵送夷吾夷吾謂曰誠得立

請割晉之河西八城與秦及至已立而使丕鄭謝秦背約不與河西城而殺里克丕鄭聞之恐因與繆公謀曰晉人不欲夷吾實欲重耳今背秦約而殺里克皆呂甥卻芮之計也願君以利益召呂卻呂卻至則更入重耳便繆公許之使人與丕鄭歸召呂卻呂卻等疑丕鄭有間乃言夷吾殺丕鄭丕鄭子丕豹奔秦說繆公曰晉君無道百姓不親可伐也繆公曰百姓苟不便何故能誅其大臣能誅其大臣此其調也不聽而陰用豹十二年齊管仲隰朋死晉早來請粟丕豹說繆公勿與其飢而伐之繆公問公孫支公孫支秦大夫支曰飢穰更事耳不可不與問百里奚奚曰夷吾得罪於君其百姓何罪於是用百里奚公孫支言卒與之粟以船漕車轉自雍相望至絳賈逵曰雍秦國都絳晉國都也十四年秦飢請粟於晉晉君謀之群臣號射曰因其飢伐之可有大功晉君從之十五年興兵將攻秦繆公發

兵使丕豹將自往擊之。九月壬戌，與晉惠公夷吾合戰於韓地。晉君棄其軍，與秦爭利，還而馬驚。繆公與麾下馳追之，不能得。晉君反爲晉軍所圍，晉擊繆公，繆公傷。於是岐下食善馬者三百人，馳冒晉軍，晉軍解圍，遂脫。繆公而反，生得晉君。初，繆公亡善馬，岐下野人共得而食之者三百餘人，吏逐得，欲法之。繆公曰：「君子不以畜產害人，吾聞食善馬肉，不飲酒傷人，乃皆賜酒而赦之。」三百人者聞秦擊晉，皆求從，從而見繆公，窘亦皆推鋒爭死，以報食馬之德。於是繆公虜晉君，以歸，令於國：「齊宿吾將以晉君祠上帝。」周天子聞之，曰：「晉我同姓，爲請晉君。」夷吾姊亦爲繆公夫人，夫人聞之，乃衰絰，跣曰：「妾兄弟不能相救，以辱君命。」繆公曰：「我得晉君，以爲功，今天子爲請，夫人是憂，乃與晉君盟，許歸之。」更舍上舍而饋之。七牢。十一月，歸晉君夷吾。夷吾獻其河西地，使太

七牢

賈逵曰：諸侯雜餼七牢，牛一羊一豕一爲一牢也。

十一月，歸晉君夷吾。夷吾獻其河西地，使太

子圉爲質於秦。秦妻子圉以宗女。是時秦地東至河，十八年齊桓公卒。二十年秦滅梁芮。二十二年，晉公子圉聞晉君病，曰：「梁我母家也，而秦滅之，我兄弟多，卽君百歲後，秦必留我，而晉輕亦更立他子。」子圉乃亡歸晉。二十三年，晉惠公卒，子圉立爲君。秦怨圉亡去，乃迎晉公子重耳於楚，而妻以故子圉妻。重耳初謝，後乃受。繆公益禮厚遇之。二十四年春，秦使人告晉大臣，欲入重耳。晉許之，於是使人送重耳。二月，重耳立爲晉君。是爲文公。文公使人殺子圉。子圉是爲懷公。其秋，周襄王弟帶以翟伐王，王出居鄭。二十五年，周王使人告難於晉。秦、繆公將兵助晉。文公入襄王，殺王弟帶。二十八年，晉文公敗楚於城濮。三十年，繆公助晉。文公圍鄭。鄭使人言繆公曰：「亡鄭厚晉於晉而得矣，而秦未有利，晉之強秦之憂也。」繆公乃罷兵歸。晉亦罷。三十二年冬，晉文公卒。鄭人有賣鄭

於秦曰我主其城門鄭可襲也繆公問蹇叔百里奚對曰徑數國千里而襲人希有利者且人賣鄭庸知我國人不有以我情告鄭者乎不可繆公曰子不知也吾已決矣遂發兵使百里奚子孟明視蹇叔子西乞術及白乙丙將兵行日百里奚蹇叔二人哭之繆公聞怒曰孤發兵而子沮哭吾軍何也二老曰臣非敢沮君軍軍行吾子與往臣老遲還恐不相見故哭耳二老退謂其子曰汝軍即敗必於殽阨矣三十三年春秦兵遂東更晉地過周北門周王孫滿曰秦師無禮不敗何待兵至滑鄭販賣賈人弦高持十二牛將賣之周見秦兵恐死虜因獻其牛曰聞大國將誅鄭鄭君謹修守禦備使臣以牛十二勞軍士秦三將軍相謂曰將襲鄭鄭今已覺之往無及已滅滑滑晉之邊邑也當是時晉文公喪尚未葬太子襄公怒曰秦侮我孤因喪破我滑遂墨衰經發兵遮秦兵於

殽擊之大破秦軍無一人得脫者虜秦三將以歸文公夫人秦女也

服虔曰繆公女

為秦三囚將請曰繆公之怨此三人入於骨髓願令此三人

歸令我君得自快烹之晉君許之歸秦三將三將至繆公素服郊迎嚮三人哭曰孤以不用百里奚蹇叔言以辱三子三子何罪乎子其悉心雪恥毋怠遂復三人官秩如故愈益厚之三十四年楚太子商臣弑其父成王代立繆公於是復使孟明視等將兵伐晉戰于彭衙杜預曰馮翊郃陽縣西北有衙城秦不利引兵歸戎王使由余於秦由余其先晉人也亡入戎能晉言聞繆公賢故使由余觀秦秦繆公示以宮室積聚由余曰使鬼為之則勞神矣使人為之亦苦民矣繆公怪之問曰中國以詩書禮樂法度為政然尚時亂今戎夷無此何以為治不亦難乎由余笑曰此乃中國所以亂也夫自上聖黃帝作為禮樂法度身以先之僅以小治及其後世日以驕淫阻法度之

威以責督於下，下罷極，則以仁義怨望於上，上下交爭，怨而相篡，弑至於滅宗，皆以此類也。夫戎夷不然，上含淳德，以遇其下，下懷忠信，以事其上，一國之政，猶一身之治，不知所以治，此真聖人之治也。於是繆公退，而問內史廖曰：漢書百官表曰：內史，周官也。孤聞鄰國有聖人，敵國之憂也。今由余賢寡人之害，將奈之何？內史廖曰：戎王處僻，匿未聞中國之聲，君試遺其女樂，以奪其志。徐廣曰：奪一作徇。爲由余請以疏其間，留而莫遣，以失其期。戎王怪之，必疑由余。君臣有間，乃可虜也。且戎王好樂，必怠於政。繆公曰：善。因與由余曲席而坐，傳器而食，問其地形，與其兵勢，盡啓而后。令內史廖以女樂二八遺戎王。戎王受而說之，終年不還。於是秦乃歸由余。由余數諫不聽，繆公又數使人間要由余。由余遂去降秦。繆公以客禮禮之。問伐戎之形，三十六年，繆公復益厚孟明等，使將兵伐晉，渡河焚船，大敗晉

人，取王官及郃。徐廣曰：左傳作郊，駟案服虔曰：皆晉地，不能有。以報殺之役。晉人皆城守，不敢出。

於是繆公乃自茅津。徐廣曰：在大陽。渡河，封殺中尸。賈逵曰：封識之。爲發喪，哭之三日。

乃誓於軍曰：嗟！士卒聽無譁，余誓告汝古之人謀，黃髮番番，則無所過，以申思，不用蹇叔百里奚之謀，故作此誓，令後世以記余過。君子聞之，皆爲垂涕曰：嗟乎！秦繆公之與人周也。服虔曰：周備也。卒得孟明

之慶。三十七年，秦用由余謀伐戎王，益國十二，開地千里，遂霸西戎。天子使召公過賀繆公以金鼓。三十九年，繆公卒，葬雍。皇覽曰：秦繆公冢在秦泉。

宮祈年觀下從死者百七十七人。秦之良臣子輿氏三人，名曰奄息、仲行、鍼虎，亦在從死之中。秦人哀之，爲作歌黃鳥之詩。君子曰：秦繆公

廣地益國，東服強晉，西霸戎夷，然不爲諸侯盟主，亦宜哉。死而棄民，收其良臣而從死，且先王崩尚猶遺德垂法，況奪之善人良臣，百姓所哀者乎？是以知秦不能復東征也。穆公子四十人，其太子

瑩代立是為康公康公元年往歲繆公之卒晉襄公亦卒襄公之

弟名雍秦出也在秦晉趙盾欲立之使隨會來迎雍秦以兵送至

令狐杜預曰在河東晉立襄公子而反擊秦師秦師敗隨會來奔二年秦伐

晉於武城報令狐之役四年晉伐秦取少梁六年秦伐晉取羈馬

服虔曰戰於河曲大敗晉軍晉人患隨會在秦為亂乃使魏讐餘服虔曰

之魏邑詳反合謀會詐而得會會遂歸晉康公立十二年卒子共公

立共公二年晉趙穿弒其君靈公三年楚莊王強北兵至雒問周

鼎共公立五年卒子桓公立桓公三年晉敗我一將十年楚莊王

服鄭北敗晉兵於河上當是之時楚霸為會盟合諸侯二十四年

晉厲公初立與秦桓公夾河而盟歸而秦倍盟與翟合謀擊晉二

十六年晉率諸侯伐秦秦軍敗走追至涇而還桓公立二十七年

卒子景公立徐廣曰世本云景公名不伯車也景公四年晉欒書弒其君厲公十五年救

鄭敗晉兵於欒杜預曰晉地也是時晉悼公為盟主十八年晉悼公強數會

諸侯率以伐秦敗秦軍秦軍走晉兵追之遂渡涇至械林而還徐廣曰

曰械音械駟案杜預曰秦地也二十七年景公如晉與平公盟已而背之三十六年楚

公子圍弒其君而自立是為靈王景公母弟后子鍼有寵景公母

弟富或譖之恐誅乃奔晉車重千乘晉平公曰后子富如此何以

自亡對曰秦公無道畏誅欲待其後世乃歸三十九年楚靈王彊

會諸侯於申為盟主殺齊慶封景公立四十年卒子哀公立后子

復來歸秦哀公八年楚公子棄疾弒靈王而自立是為平王十一

年楚平王來求秦女為太子建妻至國女好而自娶之十五年楚

平王欲誅建建亡伍子胥奔吳晉公室卑而六卿彊欲內相攻是

以久秦晉不相攻三十一年吳王闔閭與吳子胥伐楚楚王亡奔

隨吳遂入郢楚大夫申包胥來告急七日不食日夜哭泣於是秦

乃發五百乘救楚敗吳師吳師歸楚昭王乃得復入郢哀公立三  
十六年卒太子夷公夷公蚤死不得立立夷公子是為惠公惠公  
元年孔子行魯相事五年晉卿中行范氏反晉晉使智氏趙簡子  
攻之范中行氏亡奔齊惠公立十年卒子悼公立悼公二年齊臣田  
乞弒其君孺子立其兄陽生為悼公六年吳敗齊師齊人弒悼公  
立其子簡公九年晉定公與吳王夫差盟爭長於黃池卒先吳  
傳云吳王先歿吳疆陵中國十二年齊田常弒簡公立其弟平公常相之十  
三年楚滅陳秦悼公立十四年卒子厲共公立孔子以悼公十二  
年卒厲共公二年蜀人來賂十六年灋河旁以兵二萬伐大荔取  
其王城徐廣曰今之臨晉也臨晉有王城二十一年初縣頻陽地理志馮翊有頻陽縣晉取武成二十四  
年晉亂殺智伯分其國與趙韓魏二十五年智開與邑人來奔徐廣曰一本二十六三十四年日食厲共  
年城南鄭也

公卒子躁公立躁公二年南鄭反十三年義渠來伐至渭南十四  
年躁公卒立其弟懷公懷公四年庶長毚與大臣圍懷公懷公自  
殺懷公太子曰昭子蚤死大臣乃立太子昭子之子是為靈公靈  
公懷公孫也靈公六年晉城少梁秦擊之十三年城籍姑靈公卒  
子獻公不得立立靈公季父悼子是為簡公簡公昭子之弟而懷  
公子也簡公六年令吏初帶劍灋洛城重泉地理志重泉縣屬馮翊十六年卒徐廣曰表云五年也子惠公立惠公十二年子出子生十三年伐蜀取南鄭惠公  
卒出子立出子二年庶長改迎靈公之子獻公于河西而立之殺  
出子及其母沈之淵旁秦以往者數易君君臣乖亂故晉復疆奪  
秦河西地獻公元年徐廣曰丁酉止從死二年城櫟陽徐廣曰徙都之今萬年是也四年正  
月庚寅孝公生十一年周大史儋見獻公曰周故與秦國合而別  
別五百歲復合合七十七歲而霸王出十六年桃冬花十八年雨



金櫟陽二十一年與晉戰於石門斬首六萬天子賀以黼黻周禮曰白與黑

謂之黼黑與青謂之黻二十三年與魏晉戰少梁虜其將公孫痤二十四年獻公

卒徐廣曰表云二十三年子孝公立年已二十一歲矣孝公元年徐廣曰庚申也河山以東

疆國六與齊威楚宣魏惠燕悼韓哀趙成侯竝淮泗之間小國十

餘楚魏與秦接界魏築長城自鄭濱洛以北有上郡楚自漢中南

有巴黔中周室微諸侯力政爭相併秦僻在雍州不與中國諸侯

之會盟夷翟遇之孝公於是布惠振孤寡招戰士明功賞下令國

中曰昔我穆公自岐雍之間修德行武東平晉亂以河為界西霸

戎翟廣地千里天子致伯諸侯畢賀為後世開業甚光美會往者

厲躁簡公出子之不寧國家內憂未遑外事三晉攻奪我先君河

西地諸侯卑秦醜莫大焉獻公即位鎮撫邊境徙治櫟陽且欲東

伐復穆公之故地修穆公之政令寡人思念先君之意常痛於心

賓客群臣有能出奇計彊秦者吾且尊官與之分土於是乃出兵

東圍陝城西斬戎之獮王地理志天水有源道縣應劭曰獮戎邑音桓衛鞅聞是令下西入秦

因景監求見孝公二年天子致胙三年衛鞅說孝公變法修刑內

務耕稼外勸戰死之賞罰孝公善之甘龍杜摯等弗然相與爭之

卒用鞅法百姓苦之居三年百姓便之乃拜鞅為左庶長其事在

商君語中七年與魏惠王會杜平八年與魏戰元里有功十年衛

鞅為大良造將兵圍魏安邑降之地理志曰河東有安邑縣十二年作為咸陽築冀

闕秦徙都之并諸小鄉聚集為大縣縣一令漢書百官表曰縣令長皆秦官萬戶以上為令秩千戶至六百

石減萬戶為長秩五百石至三百石皆有丞尉四十一縣為田開阡陌東地渡洛十四年初為賦

徐廣曰制貢賦之法也十九年天子致伯二十年諸侯畢賀秦使公子少官率師

會諸侯逢澤徐廣曰開封東北有逢澤朝天子二十一年齊敗魏馬陵二十二年衛

鞅擊魏虜魏公子邛封鞅為列侯號商君二十四年與晉戰鴈門

虜其將魏錯孝公卒子惠文君立是歲誅衛鞅鞅之初為秦施法  
法不行太子犯禁鞅曰法之不行自於貴戚君必欲行法先於太  
子太子不可黥黥其傅師於是法大用秦人治及孝公卒太子立  
宗室多怨鞅鞅亡因以為反而卒車裂以徇秦國漢書曰商君為法於秦  
戰斬一首賜爵一級欲為  
官者五千石其爵名一為公士二上造三簪裹四不更五大夫六公大夫七官大夫八公乘九五大夫十左  
庶長十一右庶長十二左更十三中更十四右更十五少上造十六大上造十七駟車庶長十八大  
庶長十九關內  
侯二十徹侯惠文君元年楚韓趙蜀人來朝二年天子賀三年王冠  
四年天子致文武胙齊魏為王五年陰晉人犀首為大良造犀首官  
各姓公  
孫名六年魏納陰晉陰晉更名寧秦徐廣曰今  
之華陰也七年公子卬與魏戰虜  
其將龍賈斬首八萬八年魏納河西地九年渡河取汾陰皮氏地理  
志二  
縣屬  
河東與魏王會應圍焦降之十年張儀相秦魏納上郡十五縣十一  
年縣義渠歸魏焦曲沃義渠君為臣更名少梁曰夏陽十二年初  
臘十三年四月戊午魏君為王韓亦為王使張儀伐取陝出其人

句

與魏十四年更為元年二年張儀與齊楚大臣會齧桑三年韓魏  
太子來朝張儀相魏五年王游至北河徐廣曰  
地在河上七年樂池相秦韓趙  
魏燕齊帥匈奴共攻秦秦使庶長疾與戰修魚虜其將申差敗趙  
公子渴韓太子奂斬首八萬二千八年張儀復相秦九年司馬錯  
伐蜀滅之伐取趙中都西陽地理志太原  
有中縣十年韓太子蒼來質伐取韓  
石章伐敗趙將泥徐廣曰  
將作莊伐取義渠二十五城十一年樛里疾攻魏  
焦降之敗韓岸門斬首萬其將犀首走公子通封於蜀徐廣曰是  
歲王赦元年燕  
君讓其臣子之十二年王與梁王會臨晉庶長疾攻趙虜趙將莊  
張儀相楚十三年庶長章擊楚於丹陽虜其將屈罔斬首八萬又  
攻楚漢中取地六百里置漢中郡楚圍雍氏秦使庶長疾助韓而  
東攻齊到滿助魏攻燕十四年伐楚取召陵丹犁臣蜀相壯徐廣曰  
一作壯  
殺蜀侯來降惠王卒子武王立韓魏齊楚越徐廣曰  
一作趙皆賓從武王元

年與魏惠王會臨晉徐廣曰表云哀王誅蜀相壯張儀魏章皆東出之魏伐義

渠丹犂二年初置丞相應劭曰丞者承也相助也樛里疾甘茂為左右丞相張儀死

於魏三年與韓襄王會臨晉外南公揭卒樛里疾相韓武王謂甘

茂曰寡人欲容車通三川窺周室死不恨矣其秋使甘茂庶長封

伐宜陽四年拔宜陽斬首六萬涉河城武遂徐廣曰韓邑也魏太子來朝武

王有力好戲力士任鄙烏獲孟說皆至大官王與孟說舉鼎絕臄

徐廣曰一作脉八月武王死皇覽曰秦武王冢在扶風安陵縣西北畢陌中大冢是也人為周文王冢非也周文王冢在杜中族孟說武王

取魏女為后無子立異母弟是為昭襄王昭襄母楚人姓芊氏號

宣太后武王死時昭襄王為質於燕燕人送歸得立昭襄王元年

嚴君疾為相甘茂出之魏二年彗星見庶長壯與大臣諸侯公子

為逆皆誅及惠文后皆不得良死徐廣曰迎婦於楚者悼武王后出歸魏三年

王冠與楚王會黃棘與楚上庸地理志漢中四年取蒲坂彗星見五年

魏王來朝應亭徐廣曰魏世家云會臨晉復與魏蒲坂六年蜀侯輝反司馬錯定蜀

庶長奐伐楚斬首二萬涇陽君質於齊日食晝晦七年拔新城樛

里子卒八年使將軍芊戎攻楚取新市晉帝記曰江夏有新市縣齊使章子魏使公

孫喜韓使暴鳶共攻楚方城取唐昧趙破中山其君亡竟死齊魏

公子勁韓公子長為諸侯九年孟嘗君辭文來相秦奐攻楚取八

城殺其將景快十年楚懷王入朝秦秦留之辭文以金受免樓緩

為丞相十一年齊韓魏趙宋中山五國共攻秦至鹽氏而還徐廣曰鹽作監

秦與韓魏河北及封陵以和彗星見楚懷王走之趙趙不受還之

秦即死歸葬十二年樓緩免穰侯魏冉為相予楚粟五萬石十三

年向壽伐韓取武始地理志魏郡有武始縣左更白起攻新城五大夫禮出亡奔

魏任鄙為漢中守漢書百官表曰郡守秦官十四年左更白起攻韓魏於伊闕斬首

二十四萬虜公孫喜拔五城十五年大良造白起攻魏取垣復予

之攻楚取宛十六年左更錯取軹及鄧地理志河內有軹縣南陽有鄧縣冉免封公子市

宛公子惺鄧魏冉陶為諸侯十七年城陽君入朝及東周君來朝

秦以垣為蒲坂皮氏王之宜陽十八年錯攻垣河雍決橋取之徐廣曰秦地

呂禮來自歸齊破宋宋王在魏死温任鄙卒二十年徐廣曰秦地有父馬生駒王之

漢中又之上郡北河二十一年徐廣曰有牡馬生牛而死錯攻魏河內魏獻安邑秦

出其人募徙河東賜爵赦罪人遷之涇陽君封宛二十二年蒙武

伐齊河東為九縣與楚王會宛與趙王會中陽地理志西河有中陽縣二十三年

尉斯離與三晉燕伐齊破之濟西王與魏王會宜陽與韓王會新

城二十四年與楚王會鄢又會穰秦取魏安城地理志汝南有安城縣至大梁燕

趙救之秦軍去魏冉免相二十五年拔趙二城與韓王會新城與

魏王會新明邑二十六年赦罪人遷之穰侯冉復相二十七年錯

攻楚赦罪人遷之南陽白起攻趙取代光狼城又使司馬錯發隴

西因蜀攻楚黔中拔之二十八年大良造白起攻楚取鄢鄧赦罪

人遷之二十九年大良造白起攻楚取郢為南郡楚王走周君來

王與楚王會襄陵地理志河東有襄陵縣白起為武安君三十年蜀守若伐取巫

郡及江南為黔中郡三十一年白起伐魏取兩城楚人伐我江南

三十二年相穰侯攻魏至大梁破暴鳶斬首四萬鳶走魏人三縣

請和三十三年客卿胡傷攻魏卷地理志河南有卷縣蔡陽長社取之地理志潁川有長社縣

擊芒卯華陽破之司馬彪曰華陽亭名在密縣斬首十五萬魏入南陽以和徐廣曰河內修武古曰南

遷居之三十五年佐韓魏楚伐燕初置南陽郡三十六年客卿竈

攻齊取剛壽予穰侯三十八年中更胡傷攻趙闕與孟康曰音焉與邑名在上黨涅縣西

不能取四十年悼太子死魏歸墓芷陽徐廣曰今霸陵四十一年夏攻魏取

陽秦始皇更各河內屬魏地荆州之南陽郡本屬韓地

地理志河內有軹縣南陽有鄧縣

地理志河南有卷縣

地理志潁川有長社縣

地理志河東有襄陵縣

地理志汝南有安城縣

徐廣曰有牡馬生牛而死

徐廣曰秦地有父馬生駒

徐廣曰

地理志西河有中陽縣

邢丘懷

徐廣曰邢丘在平臯駟秦韓詩外傳武王伐紂到于邢丘勒兵於寧更名邢丘曰懷寧曰修武

四十二年安國君為太子

十月宣太后薨

徐廣曰芊氏

葬芷陽酈山九月穰侯出之陶四十三年武

安君白起攻韓拔九城斬首五萬十四年攻韓南郡取之四十

五年五大夫賁攻韓取十城葉陽華陽懼出之國未至而死四十七

年秦攻韓上黨上黨降趙秦因攻趙趙發兵擊秦相距秦使武安

君白起擊大破趙於長平四十餘萬盡殺之四十八年十月韓獻

垣雍

司馬彪曰河南卷縣有垣雍城

秦軍分為三軍武安君歸王齕將伐趙武安君攻

皮牢拔之司馬梗北定太原盡有韓上黨正月兵罷復守上黨其

十月五大夫陵攻趙邯鄲四十九年正月益發卒佐陵陵戰不善

免王齕代將其十月將軍張唐攻魏為蔡尉捐弗守還斬之五十

年十月武安君白起有罪為士伍遷陰密如淳曰嘗有爵而以罪奪爵皆稱士伍張唐攻鄭

拔之十二月益發卒軍汾城旁武安君白起有罪死齕攻邯鄲不

拔去還奔汾軍二月餘攻晉軍斬首六千晉楚流死河二萬人徐廣曰魏郡

曰楚一作走

攻汾城即從唐拔寧

徐廣曰作曼此趙邑也

新中寧新中更名安陽徐廣曰魏郡有安陽縣

初作河橋五十一年將軍摎攻韓取陽城負黍斬首四萬攻趙取

二十餘縣首虜九萬西周君背秦與諸侯約從將天下銳兵出伊

闕攻秦令秦毋得通陽城於是秦使將軍摎攻西周西周君走來

自歸頓首受罪盡獻其邑三十六城口三萬秦王受獻歸其君於

周五十二年周民東亡其器九鼎入秦周初亡五十三年天下來

賓魏後秦使摎伐魏取吳城徐廣曰在大陽韓王入朝魏委國聽令五十四

年王郊見上帝於雍五十六年秋昭襄王卒子孝文王立尊唐八

子為唐太后徐廣曰八子者妾媵之號姓唐而合其墓於先王韓王衰經人弔祠諸侯

皆使其將相來弔視喪事孝文王元年赦罪人修先王功臣褒

厚親戚苑苑圍孝文王除喪十月巳亥即位三日辛丑卒子莊襄

王立莊襄王元年大赦罪人修先王功臣施德厚骨肉而布惠於民東周君與諸侯謀秦秦使相國呂不韋誅之盡入其國秦不絕其祀以陽人地地理志河南梁縣有陽人聚賜周君奉其祭祀使蒙驁伐韓韓獻成臯鞏秦界至大梁初置三川郡韋昭曰有河洛伊故曰三川駟按地理志漢高祖更曰河南郡二年使蒙驁攻趙定太原三年蒙驁攻魏高都汲徐廣曰一作波波縣亦在河內拔之攻趙榆次新城狼孟取三十七城四月日食四年王齧攻上黨初置太原郡魏將無忌率五國兵擊秦秦却於河外蒙驁敗解而去五月丙午莊襄王卒子政立是為秦始皇帝秦王政立二十六年初并天下為三十六郡號為始皇帝始皇帝五十一年而崩子胡亥立是謂二世皇帝三年諸侯竝起叛秦趙高殺二世立子嬰子嬰立月餘諸侯誅之遂滅秦其語在始皇本紀中

太史公曰秦之先為嬴姓其後分封以國為姓有徐氏郟氏莒氏

終黎氏徐廣曰世本作鍾離應劭曰氏姓注云有姓終黎者是運奄氏菟裘氏將梁氏黃氏江氏脩魚氏白冥氏蜚廉氏秦氏然秦以其先造父封趙城為趙氏

又上列 王氏

安政四年 初冬 以朱鳥章句十九日 桐卷二十三 日 閣筆

此句言夏長

史記五 終



